




婦葉山房藥鈔

二十三

1 曾 4
598
23

二十三





門 1 4
號
卷



史約編

吳興 鄭元慶 芷畦 述

徐秋萼 蘭仲

楊 寅 秉人

編次

烏程 沈一揆 存田

戴 鉉 汝器

較閱

歸安 沈愷 曾樂存

男 惟 鞠 侍 何

史記全目

正史 諸史多記本朝人物惟史記牛載
古人故獨加小註其有不註者漢人也

本紀十二

五帝

夏

殷

周

秦

秦始皇

項羽

漢高祖

呂后

文帝

景帝

武帝

表十

三代世表

起黃帝迄周之
其和共三十世

十二諸侯年表

魯齊魏秦楚宋衛蔡曹鄭燕陳不
數吳者尊中國又霸在後故也起

周宣王元年盡周敬王四十
十三年共四百四十四年

六國年表

魏韓趙楚燕齊起周元王元年
盡秦二世三年共百五十一年

秦楚之際月表

秦楚項趙齊漢魏韓參錯變易
不可以年紀故以月紀起秦二世

元年七月盡
漢五年十月

漢興以來諸侯年表

高祖功臣侯年表

景惠閒侯年表

建元以來侯年表

建元以來王子侯年表

漢興以來將相名臣年表

書八

禮

樂

律

歷

天官

河渠

世家三十

封禪此書兼言祭祀而以封禪名者從其大也
平準大司農屬官有平準令專司會計

吳太伯

齊太公

魯周公

燕召公

管蔡附曹

陳杞

衛康叔

宋微子

晉

楚

越附見范蠡

鄭

趙

魏

韓

田敬仲完

孔子

陳涉

外戚

呂太后 薄太后 竇太后 王太后 衛皇后 附見 陳皇后 王夫人 李夫人 尹婕妤 邢夫人 鉤弋夫人 交高祖母弟 以上三人續

荆王

賈燕王 疏屬 齊悼惠王 肥高祖長庶男

蕭相國

何

曹相國

參

留侯

張良

陳丞相

平附見 王陵

絳侯

周勃子條 侯亞夫

全日

三

石

史
梁孝王 武文帝子，濟川王明，濟東王彭離，山陽哀王定，濟陰哀王不識，皆孝王子。
五宗 景帝子十三王，見下。漢書母五人，同母者為宗。栗姬子榮，德闕子程，姬子餘，非。端，賈夫人子。彭祖，勝。唐姬子發，王夫人兒。姁子越，寄。乘，寄支子。六安王慶，舜子真，定王平，舜支子。泗水王商，闕。三王，齊王闕，燕王旦，廣陵王胥，皆武帝子。于漢書作闕。

列傳七十

伯夷 名元，字公信，弟叔齊，各致。字公達，殷孤竹君二子。

管仲 事齊，靈公。桓公，晏嬰，莊公，景公。

老子 李耳，楚人，與莊子同時。周蒙人，與梁惠王齊宣王同時。申不害，鄭賤，韓非，李斯，俱事荀卿。

臣韓非，李斯，俱事荀卿。

司馬穰苴 田完之裔，齊景公時為大司馬。

孫子 武齊人，為衛人，事魏文侯，武侯。吳起，為西河守，後為楚相。

伍子胥 員，楚人，事吳王夫差。

仲尼弟子 顏回，字子淵，閔損，字子騫，冉耕，字伯牛，冉雍，字仲弓，冉求，字子有，仲由，字子路，宰予，字子我，端木賜，字子貢，言偃，字子游，卜商，字子夏，顓孫師，字子張，曾參，字子輿，澹臺滅明，字子羽，宓不齊，字子賤，原憲，字子思，公冶長，字子長，南宮适，字子容，公皙哀，字季次，曾歲，字子皙，顏無繇，字季路，商瞿，字子木，高柴，字子羔，漆雕開，字子開，公伯寮，字子周，司馬耕，字子牛，樊須，字子遲，有若，字子若，公西赤，字子華。

按祀典，顏回曾參與孔伋，孟軻皆配享孔廟，曰四配。閔損冉耕冉雍，宰予，端木賜，冉求，仲冉，言偃，卜商，顓孫師，有若，與朱熹皆從祀孔廟，曰十二哲。澹臺滅明。

必不齊原憲
公治長南宮
適公哲哀商
瞿高柴漆雕
開樊須司馬
耕商澤梁鱣
巫馬施冉孺
顏辛伯虔曹
卹冉季公孫
龍漆雕徒父
秦商漆雕哆
顏高公西赤
壤駟赤任不
齊石作蜀公
良孺公夏首
公肩定后處
鄭單奚容蒧
宰父墨顏相

巫馬施字子期 梁鱣字叔魚 顏
辛字子柳 冉孺字子魯 曹卹字子
循 伯虔字子析 公孫龍字子石
冉季字子產 公祖句茲字子之 秦
祖字子南 漆雕哆字子歛 顏高字
子驕 漆雕徒父字子文 壤駟赤字
子徒 商澤字子秀 石作蜀字子明
任不齊字子選 公良孺字子正
后處字子里 秦冉字子開 公夏首
字子乘 奚容蒧字子哲 公肩定字
子中 顏相字子襄 鄭單字子家
句井疆字子疆 罕父黑字子素 秦
商字子丕 申黨字周 顏之僕字子
叔 榮旂字子祺 縣成字子祺 左
人郢字子行 燕伋字子思 鄭國字
子徒 秦非字子之 施之常字子恒
顏噲字子聲 步叔乘字子車 原
亢字子藉 樂欬字子聲 廉潔字子

榮旂句井疆
左人郢秦祖
鄭國縣成原
亢公祖句茲
廉潔燕伋叔
仲會樂欬公
西與如狄黑
邾巽孔忠陳
九公西蒧琴
定顏之僕步
叔乘施之常
秦非申根顏
噲左邱明顏
何秦冉縣賈
枚皮皆從祀
兩廡顏無繇
回父曾蒧參
父與孔伋父

庸 叔仲會字子期 顏何字子冉
狄黑字子皙 邾巽字子歛 孔忠字
子蔑 公西與如字子上 公西蒧字
子尚 序次俱照本傳姓名字參考他書
商君 鞅衛之庶公子
蘇秦 見前編 弟代厲
張儀 見前編 陳軫
樗里子 疾秦惠 甘茂 相秦武王 孫羅年
穰侯 魏冉秦昭王母宣太
白起 秦昭王將封王 始皇殺項燕
孟子 附見荀卿 趙人爲齊襄王祭酒 又爲春申
駟衍 君蘭陵合 信于髡慎到駟夷附

全目

五

石

鯉孟軻父激
皆配享啓聖
王申棖或
云卽申黨陳
亢琴牢左邱
明縣置牧皮
皆不見史記
公伯寮不列
祀典

孟嘗君 田文齊宣王庶弟嗣父封薛公相潛王尋
奔魏爲魏相伐齊潛王亡在莒襄王立復

親文文卒謚孟
嘗君附見馮驩

平原君 趙勝趙之諸公子相惠
文王孝成王封平原君虞卿爲趙上卿
故號虞卿

信陵君 公子無忌魏安釐王
異母弟封信陵君

春申君 黃歇楚人相考
烈王封春申君

范雎蔡澤 俱秦昭
王相

樂毅 燕昭王將
封昌國君

廉頗藺相如 俱事趙惠文王爲上
卿趙奢子括李牧附

田單 齊疏屬襄王時封
安平君附見王蠋

魯仲連 齊人與平
原君同時鄒陽

屈原 平楚同姓爲楚懷王左徒上官
大夫嫉之被遷自投汨羅江死賈生
誼

呂不韋 相秦始皇稱仲父嫪毐
事發徙於蜀飲酖而死

刺客 曹沫魯人劫齊桓公專諸吳人爲公子光
刺殺吳王僚豫讓晉人爲智伯報仇刺趙

襄子 嬴政
荆軻見前編

李斯 相秦始皇
附見趙高

蒙恬 秦將
弟毅

張耳陳餘 附見
張敖

魏豹彭越

黥布

淮陰侯韓信

韓王信盧縮附陳豨

田儻

樊噲酈商滕嬰灌嬰

張丞相蒼周昌從兄苛趙堯任敖申屠嘉附韋賢魏相郗吉黃霸韋玄成匡衡以上六人續

酈生食陸賈平原君其陸賈朱建附

傅寬靳歙蒯成侯周緤

劉敬叔孫通

季布欒布

袁盎鼂錯附見鄧公

張釋之馮唐

萬石君石奮子建慶張叔歐衛綰道不疑固仁附

田叔少子仁任安續

扁鵲秦越人與趙簡子同時倉公淳于意漢太倉長

吳王濞高祖兄仲子

魏其侯竇嬰武安侯田蚡皆外戚灌夫附

韓長孺安國

李將軍廣孫

山奴

衛將軍

青

驃騎將軍

霍去病衛將軍下已為將者

蔡張次公蘇建趙信張騫趙食其曹襄韓說郭昌荀彘驃騎下將軍路博德趙破奴

平津侯

公孫

王父偃

附見徐樂嚴安

南越王尉佗

蒼梧王趙光附

東越

閩越王無諸東海王搖

朝鮮

西南夷

司馬相如

淮南厲王

長高祖少子子安嗣位

衡山王

賜厲王子

循吏

孫叔敖楚莊王令尹儀休魯繆公相

石奢楚昭王相李離晉

文公之理

汲黯鄭當時

儒林

申公培

轅固生

韓生嬰

伏生勝附見

江生

酷吏

鄧都

甯成

周陽由

趙禹

張湯

義

大宛

烏孫康居奄蔡大月氏安息條支大夏附

全月

八

石

史

游俠

魯朱家附見楚田仲
劇孟王孟 郭解

佞幸

籍孺閔孺趙談北宮伯子
鄧通 韓王孫媽 李延年

滑稽

淳于髡齊威王時人 優孟楚莊王時樂人
優旃秦始皇時倡侏儒 郭舍人東方朔

東郭先生王先生西門豹魏
文侯時為鄴令以上五人續

日者

司馬
季主

龜策

貨殖

范蠡 計然俱越王句踐
時人餘見下漢書不錄

自序

前漢書全目

正史

帝紀十二

高祖

惠帝

高后

文帝

景帝

武帝

昭帝

宣帝

元帝

成帝

哀帝

平帝

表八

異姓諸侯王表

諸侯王表

全目

九

石

漢

王子侯表

高惠高后文功臣

景武昭宣元成哀功臣表

外戚恩澤侯表
百官公卿表

古今人表
分聖人仁人智人愚人而以上中下九等別之識者謂其乖名亂體謬實甚焉

本志十

律歷

禮樂

刑法

食貨

郊祀

天文

五行

地理

溝洫

藝文

列傳七十

陳勝項籍

張耳陳餘

魏豹田儋韓王信

韓信彭越英布盧綰吳芮

荆燕二王
荆王賈 燕王 吳王濞附

楚元王
孫辟疆 子德 德子向 向子歆

季布欒布田叔

全日

十

石

漢

高帝五王 齊悼惠王肥 趙隱王如意 趙幽王友 趙其王恢 燕靈王建

蕭何曹參

張良陳平王陵周勃 子亞夫

樊噲酈商夏侯嬰灌嬰傅寬靳歙周緤

張蒼周昌趙堯任敖申屠嘉

酈食其陸賈朱建婁敬叔孫通

淮南王長 子衡山王賜 濟北王勃

蒯通伍被江充息夫躬

萬石君衛綰直不疑周仁張歐

文三王 梁孝王武 代孝王參 梁懷王肯

賈誼

袁盎晁錯

張釋之馮唐汲黯鄭當時

賈山鄒陽枚乘 子路溫舒 泉

竇嬰田蚡灌夫韓安國

景十三王 河間獻王德 臨江哀王闕 臨江閔王榮 魯共王餘 江都易王非 膠西于王端 趙敬肅王彭祖 中山靖王勝 長沙定王發 廣川惠王越 膠東康王寄 清河哀王乘 常山憲王舜

漢

李廣孫蘇建子

衛青霍去病李息以下九人見史記不錄

董仲舒

司馬相如

公孫弘卜式兒寬

張湯子安世安世子延壽

杜周子延年延年子緩緩弟欽緩子業

張騫李廣利

司馬遷

武帝五子戾太子 齊懷王閔 燕刺王旦 廣陵厲王胥 昌邑哀王髡

嚴助朱買臣吾邱壽王主父偃徐樂嚴安終軍王

褒賈捐之

東方朔

公孫賀子敬劉屈氂車千秋木姓王訢楊敞子憚蔡

義陳萬年子威鄭弘

楊王孫胡建朱雲梅福云敞

霍光金日磾子安

趙充國辛慶忌

全目

十二

石

漢

傅介子、常惠、鄭吉、甘延壽、陳湯、段會宗

雋不疑、疏廣兄弟子、于定國、薛廣德、平當、彭宣

王吉、貢禹、龔勝、龔舍、鮑宣

韋賢子立成

魏相、丙吉

眭弘、夏侯始昌、夏侯勝、京房、翼奉、李尋

趙廣漢、尹翁歸、韓延壽、張敞、王尊、王章

蓋寬饒、諸葛豐、劉輔、鄭崇、孫寶、毋將、隆、何並

蕭望之子育成由

馮奉世子野王

宣元六王宣帝子淮陽憲王欽、楚孝王躡、東平思王宇、中山哀王竟、元帝子定陶共王康、中山孝王興

匡衡、張禹、孔光、馬宮

王商、史丹、傅喜

薛宣、朱博

翟方進子宣義

谷永、杜鄴

何武、王嘉、師丹

全目

十三

石

楊雄

儒林

楊何 丁寬 施讐 孟喜 梁邱賀 京

勝 周堪 張山拊 歐陽生 林尊 夏侯

蒼 趙子 毛公 孟卿 嚴彭祖 顏安

樂 房鳳 見 史記者不錄

循吏 文翁 王成 黃霸 召信臣

酷吏 田廣明 田延年 嚴延

貨殖 子貢 白圭 猗頓 烏氏 贏 巴寡婦 清

游俠 萬章 樓護 陳遵

佞幸 石顯 淳于長 董賢 見史記者不錄

匈奴

西南夷 兩粵 朝鮮

西域 且末 小宛 精絕 戎盧 杆彌 渠勒

耐 無雷 難兜 罽賓 烏菟 蒲犁 依

息 大月氏 康居 大宛 桃槐 休循

墨 溫宿 龜茲 烏壘 渠犂 尉犂 姑

危須 焉耆 烏貪 訶離 卑陸 卑陸 後

彌 東且彌 劫 狐胡 蒲類 後 西且

外戚 高祖 呂后 孝景 薄后 王后 高祖 薄姬 孝文

衛 孝武 陳后 衛

全目 十四 石

漢

后 李夫人 鉤弋趙婕妤 孝昭上官后

衛太子史良娣 史皇孫王夫人 孝宣

許后 霍后 孝元王后 孝成許后 班

德后 趙后 孝元傅昭儀 定陶丁姬

孝哀傅后 孝元馮昭儀

中山衛姬 孝平王后

元后 元帝后王 葬之姑

王莽

敘傳

後漢書全目 正史

帝紀十

光武帝

明帝

章帝

和帝 廢帝

安帝

順帝 冲帝 質帝

桓帝

靈帝

獻帝

皇后

光武郭后 光烈陰后 明德馬后 援小女
賈貴人 章德竇后 融曾孫 和帝陰后 識
曾孫 和熹鄧后 禹孫 安思閻后 順烈
梁后 虞美人 陳夫人 孝崇隱后 桓帝懿
獻梁后 鄧后 桓思竇后 孝仁董后
靈帝宋后 靈思何后 王美人 獻帝伏后
獻穆曹后 操中女

律歷 三

禮儀 三

漢

馬援子廖防兄子嚴族孫棧

卓茂魯恭弟魏霸劉寬

伏湛子隆侯霸宋弘蔡茂郭賀馮勤趙熹牟融章彪族義

宣秉張湛王丹王良杜林郭丹吳良承宮鄭均趙

典兄子謙温

桓譚馮衍子豹

申屠剛鮑永子昱到憚子壽

蘇竟楊厚

郎顛襄楷

郭伋杜詩孔奮張堪廉范王堂蘇章族孫不韋羊續賈

琮陸康

樊宏子脩族曾孫陰識弟興

朱浮馮魴虞延鄭弘周章

梁統子松棟曾孫商玄孫冀

張純子奮曹褒鄭玄

鄭興子衆范升陳元賈逵張霸子楷楷子陵弟玄

桓榮子郁孫焉曾孫鸞玄孫典彬丁鴻

全目

十七

石

漢

張宗法雄，滕撫，馮緄，度尚，楊琬。

劉平王學，趙孝，滔于恭，江革，劉般子愷，周磐，蔡順，趙咨。

班彪子固

第五倫曾孫鍾離意，宋均族子，寒朗。

光武十王

東海恭王彊，沛獻王輔，楚王英，濟南安王康，東平憲王蒼，子任，城孝，王尚，阜陵質王延，廣陵思王荆，臨淮懷公衡，中山簡王焉，琅邪孝

京王

朱暉孫穆，樂恢，何敞。

鄧彪，張禹，徐防，張敏，胡廣。

袁安

子敞，立

張輔，韓馥，周榮景孫

郭躬

弟子

陳寵忠

班超

少子，梁懂何

楊終，李法，翟酺，應奉子劭，霍諝，爰延，徐璆。

王充，王符，仲長統。

明帝八王

千乘哀王建，陳敬王羨，彭城靖王恭，樂城靖王黨，下邳惠王衍，梁節王暢，淮陽頃王昞，濟陰悼王長

李恂，陳禪，龐參，陳龜，橋玄。

崔駰

子媛，孫寔

全目

漢

周燮黃憲徐穉姜肱申屠蟠

楊震

子秉孫賜曾孫彪玄孫脩

章帝八王

千乘貞王伉 平春悼王全 清河孝王開 濟北惠王壽 廣宗廢王萬 城陽懷王叔 平原懷王勝和帝子

張皓

綱子 王龔子 暢子 種子 屬子 岱子 拂子 劬子 陳球

杜根樂巴劉陶李雲劉瑜并謝弼

虞詡傅燮蓋勳臧洪

張衡

馬融蔡邕

左雄周舉

子 總 黃瓊 孫 琬

荀淑

子 爽 孫 悅 韓 欸 鍾 皓 陳 寔 子 紀

李固

子 燮 杜 喬

吳祐延篤史弼盧植趙岐

皇甫規張奐段熲

陳蕃王允

黨錮

劉淑 李膺 杜密 劉祐 魏朗 夏馥 宗慈 巴肅 范滂 尹勳 蔡衍 羊 陟 張儉 岑晊 陳翔 孔昱 何顛

郭太

左原 茅容 孟敏 庾乘 宋果 賈 淑 史叔 賓 黃 允 謝 甄 王 柔 符 融 許 劭

全目

十九

石

漢

竇武何進

鄭太孔融荀彧

皇甫嵩朱雋

董卓

劉虞公孫瓚陶謙

袁紹子譚劉表

劉焉袁術呂布

循吏衛胤 孟嘗任延第五訪王景秦彭王渙許荆

名香童恢

酷吏

董宣樊曄李章周

宦者

鄭衆蔡倫孫程曹騰張讓單

儒林

劉昆注丹任安揚政張興戴憑

尹敏周防孔僂牟長楊綸宋登張興張馴

魏應伏恭任末景鸞薛漢包咸

撫名馴楊仁趙暉衛宏董鈞

文苑

杜篤王隆夏恭傅毅黃香劉毅

李尤蘇順劉珍葛龔王逸劉毅

獨行

譙立周嘉范式李善王恽張武

二十石

漢 陸績 戴封 李充 繆彤 陳重 雷義
范丹 戴就 趙苞 向栩 諒輔 劉

方術 任文公 郭憲 許揚 高獲 王喬 謝
折像 樊英 唐檀 公沙穆 許曼 郭

趙彥 樊志張 單颺 韓說 董扶 郭
王華 徐登 費長房 蒯子訓 劉
根 左慈 計子勳 上成公 解奴辜

逸民 野王 二老 向長 逢萌 周黨 王霸
嚴光 井丹 梁鴻 高鳳 臺佟 韓康

列女 鮑宣妻 王霸妻 姜詩妻 周都妻 曹
世叔妻 樂羊子妻 陳文矩妻 孝女曹

娥 許升妻 袁隗妻 龐涓母 劉長卿
妻 皇甫規妻 陰瑜妻 盛道妻 孝女

東夷 夫餘 挹婁 高句驪 句驪
東沃沮 濊北 三韓 倭 哀牢 邛都

南蠻 巴郡 南部 西南夷 夜郎 滇 哀牢 邛都
板楯 滇 哀牢 邛都 冉驪 白馬

西羌 無弋爰劍 滇 哀牢 邛都
子麻奴立 滇 哀牢 邛都 冉驪 白馬

西域 拘彌 于闐 西夜 子合 德若 條支
安息 大秦 大月氏 高附 天竺

南匈奴 後 車師 馬耆 蒲類 移支 東且彌 車師前

烏桓鮮卑

漢

廿一史約編

吳興

鄭元慶

述

潘美發

臧夢錫

同學

潘發英

費孔昭

叅訂

史記

漢司馬遷字子長龍門人父談為太史官嘗謂遷曰漢興與海內一統明主聖君忠臣義士予為太史而不論載廢天下之文子甚懼焉爾其念哉談卒三歲而遷為太史令續父談書創為義例起黃帝迄漢武獲麟之歲撰成十表本紀十二書八世家三十列傳七十凡一百三十篇草創未就會遭李陵之禍下遷腐刑既死後其書始出至宣帝時外孫楊惲祖述其意遂宣布焉漢曙少孫補之宋裴

史漢

一

石

駟解

漢書

漢班固字孟堅扶風人博貫載籍九流百家之書無不窮究以父彪所續前史未詳乃潛精研思欲就其業有告固私作國史者固繫獄弟超詣闕上言固所著述意而郡亦上其書顯宗甚奇之除蘭臺令史使終成其書固自為郎後頗見親近乃上兩都賦及肅宗雅好文章固愈得幸然自以二世才術位不過郎作賓戲以自通焉永元初竇憲北擊匈奴以固為中護軍與參議及憲敗固以竇氏賓客收捕死獄中所著漢書尙未就詔固女弟曹壽妻昭踵而成之凡一百卷唐顏師古注

漢高祖

姓劉名邦字季沛人父太公兄仲帝起於泗上亭長入關滅秦為漢王及滅楚即皇帝位

惠帝

名盈高祖次子

呂后

名雉高祖后少帝後少帝俱他人子

文帝

名恒高祖五子

景帝

名啟文帝長子

武帝

名徹景帝十子

昭帝

名弗陵武帝六子

昌邑王名賀武帝孫昌邑哀王子

宣帝

名詢武帝曾孫戾太子孫

元帝

名奭宣帝長子

成帝

名騫元帝長子

哀帝

名欣元帝庶孫定陶共王子

平帝

名衡元帝庶孫中山王箕子

孺子嬰

宣帝玄孫廣戚侯勳子

附王莽

元后姓

淮陽王

名玄春陵戴侯曾孫

後漢書

宋范曄字蔚宗順陽人少好學善為文章元嘉初以吏部郎左遷宣城太守不得志乃刪冢家著後漢書為一家之作自謂體大而思精後為太子詹事與孔熙先謀反被收在獄為詩曰雖無稿生琴庶同夏侯色臨刑母至市責曄世色不怍妹及妓妾來別曄涕泣甥謝綜曰舅殊不及夏侯

史漢

二

石

色睡乃收派睡著後漢書凡一百二十卷唐太子李賢注

東漢光武帝名秀字文叔景帝孫長沙定王之後祖回為鉅鹿郡尉父欽為南頓令帝同兄續起

兵誅莽及滅赤眉即皇帝位

章帝名炆明帝五子

和帝名肇章帝四子

安帝名祐章帝孫清河王慶子

順帝名保安帝太子

質帝名續章帝玄孫渤海孝王鴻子

靈帝名宏章帝玄孫解瀆亭侯長子

獻帝名協靈帝太子

少帝名辯靈帝太子

桓帝名志章帝曾孫蠡吾侯翼子

冲帝名炳順帝太子

北鄉侯名懿章帝孫濟北惠王壽子

漢高祖在位八年

帝覽大長者蕭何收圖籍張良燒絕棧道

借箸籌不可者八

從赤松子遊韓信木罌渡

軍背水囊沙

項伯拔劍起舞

樊噲擁盾入衛

范增撞碎玉斗

項羽思歸故鄉

漢高祖劉邦不階尺土五載成帝業所謂天授非人力信然觀其自言決勝不如張良鎮撫不如蕭何戰攻不如韓信真至當也楚漢爭鋒帝豈自料有天下哉帝有天下蓋以能用三傑非若項羽不用范增當入關初約法三章除秦苛政楚漢興亡其在斯乎迨彌留之際預知繼相惟參安劉必勃慮事何深遠也惟分杯羹枕宦臥寵戚姬輕士善罵蒞醢功臣使太公迎門呂后失德皆不無遺議云

楚人沐猴而冠
陳平六出奇計
帝臨林洗足見英布
四面楚歌
斬丁公
夢敬說都長安
僞遊雲夢
沙中偶語
叔孫通起朝儀
周昌期期不奉詔
大風歌
南山四皓

高祖
帝問韓信能將幾何信曰臣多多而益善耳帝笑曰何為為我禽信曰陛下不能將兵而善將將所以為陛下禽且陛下所謂天授非人力也○帝曰夫運籌策帷帳之中決勝千里外吾不如子房鎮國家撫百姓給餽餉不絕糧道吾不如蕭何連百萬之軍戰必勝攻必取吾不如韓信此三人者皆人傑也吾能用之此吾所以取天下也項羽有一范增而不能用此其所以為我禽也○三章殺人者死傷人及盜抵罪餘悉除去秦法○帝疾呂后問曰陛下百歲後蕭何死誰代帝曰曹參可問其次曰王陵可然少懇陳平可以助之陳平智有餘難獨任周勃厚重少文然安劉氏者必勃也○項羽欲烹太公帝曰吾翁即若翁若欲烹而翁則幸分我一杯羹○帝卧禁中羣臣莫敢入樊噲排闥直入大臣隨之帝獨枕一宦者臥噲等涕泣而諫○帝即位踰年未正太上之號但五日一朝太公太公擁篲迎門帝大驚太公曰帝人主奈何以我亂天下帝悟詔尊為太上皇
○功臣謂韓信彭越○呂后與審食其通

蕭何為家不治垣屋
後世賢師吾儉
周昌稱病不朝
曹參以齊獄市為寄
清淨第一

漢惠帝 在位七年
漢惠帝內脩親親外禮宰相垂拱而天下晏然除挾書之律舉孝弟力田自迎趙王於霸上同起居飲食齊王入宮舉厄欲俱為壽呂后不得行酖真賢主也高祖始欲廢之何哉為呂后剛毅帝仁弱不足制也亡何而呂后果殺趙王如意斷戚姬手足有人鏡之變帝觀之大哭因病歲餘不能起以此日飲為淫樂不聽政蓋不忍母之殘酷棄國家而不恤帝雖篤於小仁而實未知大義也

季布廷折樊
噲
換噲面護

叔孫通請立
原廟

兩血
日食既

惠帝

呂后最怨戚夫人及其子趙王如意。適令永巷囚戚夫人而召趙王。王來未到帝。慈仁知太后怒，自迎趙王霸上，與入宮，自扶與趙王起居飲食。太后欲殺之，不得間會。帝晨出射，趙王少不能早起，太后聞其獨居，使人持酖飲之。黎明，帝還，趙王已死。太后遂斷戚夫人手足，去眼，燻耳，飲瘖藥，使居廁中。命曰：人籠居。數日，召帝觀。帝見問，乃知戚夫人，遂大哭，使人請太后曰：此非人所為。臣為太后子，終不能治天下，以此日飲為淫樂，不聽政，故有病也。齊王來朝，帝與之燕飲，太后前帝，以齊王兄置上坐，如家人禮。太后怒，乃置兩卮醢置前，令齊王起為壽。齊王起，帝亦起取卮，欲俱為壽。太后乃恐，自起泛帝。卮齊王怪之，因不敢飲，佯醉去。問知其酖，齊王恐，自以為不得脫，長安憂乃從。內史計以城陽之郡為魯元公主湯沐邑。太后喜，乃置酒齊邸，飲罷歸齊王。帝崩，太后哭泣不能下。侍中張辟疆請拜諸呂為將，從之。乃使呂台、呂產將南北軍，諸呂權由此起。

漢 呂后僭位八年
少帝後少帝

王陵守白馬
之賜
面折廷爭

朱虛侯入宿
衛

行八銖錢

呂后雉佐高祖定天下，諸大臣素所畏服，亦能矣哉。然其失德何多也。滅劉氏，王諸呂，私食其戮，戚姬無所不為。少帝後，少帝之立，后得主之，亦后得生殺之。代政八年，日食晝晦。始惡之曰：此為我也。雖有悔心之萌，安能免蒼犬之撒腋哉。獨怪王陵平勃輩堂堂勳貴，媚事婦人而不早為之所，直使劉氏諸孤殆盡。然後將相交驩，鋤去非種，取神器於呂氏之手，復還劉氏。則大臣之畏服高后，從可知矣。

行五分錢

宋昌曰所言
公公言之

江漢水溢

星晝見

呂后兩少帝

呂台呂產呂祿呂通等皆封為王。安弟須封為臨江侯。呂后過軹道見物如蒼犬來攬腋。下之云趙王如意為祟。遂病。腋傷而殂。時諸呂擅權用事。朱虛侯劉章忿劉氏不得職。嘗人侍燕飲。太后令為酒吏。章自請曰：臣將種也。請得以軍法行酒。太后許之。酒酣，章為耕田歌曰：深耕概種，立苗欲疏，非其種者，鋤而去之。太后默然。頃之，諸呂有一人醉亡酒，章追斬之，還報。左右皆大驚。業已許其軍法，無以罪也。自是諸呂憚朱虛侯。陳平患諸呂，力不能制，恐禍及已，嘗燕居深念。陸賈謂平曰：天下安，注意相。天下危，注意將。相和調則土豫，附則土豫。附則天下雖有變，權不分。為社稷計，在兩君掌握耳。君何不交驩太尉，平用其計。兩人深相結。呂氏謀益衰。齊王襄發兵討諸呂，相國呂產使大將軍灌嬰擊之。嬰留屯滎陽，與齊連兵。時太尉不得主兵，使郵寄給呂祿。以兵屬太尉。太尉入軍門，行令曰：為呂氏右祖，為劉氏左祖。軍中皆左祖。太尉遂將北軍，悉捕諸呂，斬之。齊王灌嬰兵皆罷。

漢文帝 在位廿三年

薄太后夢龍據腹而生帝
除收孥相坐律
陳平對錢穀之問
却于里馬
賈山至言
止輦愛言
除誹謗妖言法

漢文帝赦田租，詔養老，除肉刑，減笞背，可不謂父母斯民者乎。露臺惜費，百金。後宮衣不曳地，不敢輕靡。天下之財，遣將擊與，居辭禮，誘南越，不敢輕用天下之兵。吳王賜之几杖，張武愧以金錢，不敢輕拂天下之情。弄臣戲殿上，丞相檄召而不拒。梁藩不下門，廷尉劾奏而不嫌。中郎撤夫人之坐席而不罪。將軍過天子之乘輿而不怒。其恭儉寬仁，皆可為天下後世法。第廟汾陰，賜銅山，詔短喪，微有可議者。

淮南王殺審食其

造四銖錢

賈誼治安策論積貯

尺布斗粟之謠

請入梁拜爵

免罪除秘祝

帝每飯未嘗不在鉅鹿

黃龍見成紀

文帝

齊太倉令清於意有罪當刑逮繫長安意無男有女五將行罵其女曰生女不生男後急非有益也其少女緹縈自傷泣請從乃從父至長安上書訟父為吏廉平願沒入為官婢以贖父罪天子憐之詔除肉刑○濟北王興居反遣柴武擊之○南越王趙佗稱臣奉貢○吳王託病不朝賜几杖張武受賄遺覺發御府金錢賜之以愧其心○申屠嘉為相人朝嬖臣鄧通在帝旁怠慢嘉曰陛下誠愛則富貴之毋以朝廷瀆也罷朝為檄召通帝意通必困於嘉急持節召通因謝嘉曰此吾弄臣幸釋之乃免○梁王不下司馬門張釋之勅止之○慎夫人與皇后同坐袁盎却之曰臣聞尊卑有序則上下和妾主豈可同坐哉○以周亞夫為將軍帝自勞軍之細柳營先驅不得入○方士新垣平言周鼎在泗水中今河決通於泗而汾陰有金寶氣意周鼎出乎於是祀涓陽汾陰後知詐誅平○賜鄧通吳王濞以銅山由是吳鄧錢布天下○帝崩遺詔天下三日釋服

漢景帝 在位十六年

賜民田半租三十稅一
鼂錯違父教令
田叔燒梁獄辭空手來見
禁採黃金珠玉
更減舊法

漢景帝嘗提博局殺吳世子寡恩之性自太子時已然既即位殘忍任數詐力御下七國之變曰吾不愛一人以謝天下而鼂錯棄市賜亞夫食曰鞅鞅非少主臣而亞夫餓死信讒用佞屠戮功勳則君臣之道缺過愛梁王空許傳位則兄弟之好乖無罪廢太子和親遣公主則父子之恩亡薄后以失寵貶栗姬以恚恨死則夫婦之義薄文景雖並稱賢而景不及文多矣然史載其恭儉恤刑粟紅貫朽亦守文之主也已

詔治獄者務先寬
詔疑獄者盡之

衛縮長者直不疑長者

三月雨雪地一日三動

日月皆赤十二月雷日如紫五星逆行守太微月實天庭中

景帝

鼂錯患諸侯強大請削七國從之七國反以誅錯為名袁盎見帝曰為今之計獨誅錯赦七國則兵可無血刃而俱罷帝曰吾不愛一人以謝天下遂殺錯○周亞夫數諫帝惡之召賜之食獨置大觥無切肉又不置箸亞夫心不平願謂尚席取箸帝笑曰此非不足君所乎亞夫因趨出帝目送之曰此鞅鞅非少主臣也後以其子事連汚亞夫下獄不食而死○梁孝王來朝帝與之宴曰萬歲後傳於王寶嬰引卮酒進曰天下者高祖之天下父子相傳漢之約也上何以得傳梁王王以此益驕○廢皇后薄氏立夫人王氏為后廢太子榮其母栗姬不許公主欲予徹王夫人許之出是公主曰讒栗姬而譽徹之美帝亦自賢之王夫人知帝嫌栗姬陰使人趣大行請立栗姬為后帝怒曰是而所宜言耶遂按誅大行而廢太子栗姬志恨而死○遣公主嫁匈奴○鄧都為中尉嚴酷行法不避貴戚號曰蒼鷹

帝雄才大略三策董仲舒不冠不見汲黯

李廣飛將軍衛青將相才

兒寬謀最萬石君不言

而躬行司馬相如詞賦得幸

東方朔時時直諫

公孫明賢良策

主父偃善陰陽人主意

初擅刺史

漢武帝

在位五十四年號建元元光元朔元狩元鼎元封太初天漢太始征和後元

漢武帝有志慕古興太學正郊祀行夏時表六經創年號雖詩書所稱何以加焉而且董申趙汲李衛霍張文武竝進可謂明於治道者也惜創制因心內侈宮室外事甲兵喜封禪好神仙拜文成五利信桑孔張湯重斂繁刑賣官贖罪弊政實多焉江充用而巫蠱起太子殺而國本搖望思臺作悔心始萌罷候神之官布富民之令事已無濟嗚呼恐女主為禍立子殺母人亦何樂乎有子不仁哉為拓跋氏作偏矣

行半兩錢
起相梁臺
作承露盤
白雲出封中
天旱意乾封
關東大俠郭
解伏誅
蘇武留雪牧
李陵降虜
堯母門
壺關三老上
書
畫周公圖賜
霍光
星如日夜出
風如血

武帝
董仲舒申公趙綰汲黯等以文事進李廣衛青霍去
病張騫等以武事進○齊人少翁以方術拜文成將
軍藥大亦方士斥五利將軍尚公主○東郭咸陽與
桑卯羊孔僅三人言利事析秋毫其法大抵出於張
湯湯舞智御人汲黯罵曰刀筆吏不可為公卿果然
○初神巫教美人度后每屋輒埋木人祭之帝寢得
夢而病使江充治巫蠱掘太子宮得木人甚多太
子懼使容軒充走胡與衛后皆自殺○田千秋訟太
子寃帝乃作思子宮為歸來望思之臺於湖○帝曰
朕即位以來所為狂悖使天下愁苦不可追悔今事
有傷害百姓糜費天下者悉罷之田千秋曰方士言
神仙者甚衆而無顯功請斥之帝曰鴻臚言是也於
是悉罷方士候神人者封千秋為富民侯以明休息
思富養民也○殺鉤弋夫人趙氏帝問左右曰外人
言云何對曰人言且立其子何去其母帝曰然往古
國家所以亂由子少母壯也汝不聞呂后耶故不得
不先去之也後魏道武將立其子亦殺其
母劉貴人曰吾遠遵漢武為長久計耳

漢昭帝 在位十三年號
始元元鳳元平

雋不疑引經
斷獄
多所平反其
母喜笑異常
杜延年勸行
儉約
張安世志行
純篤

漢昭帝以童年能知霍光之忠與上官桀之詐非天資
明敏哉光之事帝惟輕徭薄賦與民休息一旦變武帝
之行事謗即興焉或曰先人典章未循也或曰大將軍
自作威福天子其何賴帝稍信其言光之所為今日行
明日罷矣然能舉賢良問疾苦賑貸貧民種食復除田
租令弗出馬罷權酷官減戶口錢使虛耗之民漸有生
息上無改父之嫌下無居美之忌可謂難矣而享祚不
永惜哉

燕王且上官
桀等謀反皆
伏誅

祠鳳凰於東
海

傅介子誘殺
樓蘭

昭帝
上官桀以霍光不納其孫女入宮惡之詐為燕王上
書誣光罪光聞之止畫室中不入帝問大將軍安在
詔八光免冠頓首謝帝曰將軍冠朕知是書詐也將
軍調校尉未十日燕王何以知之且將軍為非不須
校尉時帝年十四尚書左右皆驚而上書者果亡後
桀黨有潛光者帝怒曰大將軍忠臣先帝屬以輔朕
身有毀者坐之自是桀等不敢言○榷酤酒稅也○
蘇武還自匈奴以為典屬國初武既徙海上杖漢節
牧羊即也操持節旄盡落單于使李陵至海上置酒
設樂說之武曰臣事君猶父子也子為父死無所
恨王必欲降武請畢今日之權效死於前陵喟然歎
曰嗟乎義士陵與衛律之罪上通於天矣因泣下沾
襟至是匈奴和親漢使至求武等匈奴詭言武死常
惠私教漢使謂單于言天子射上林中得雁足帛書
言武所在乃歸武武留匈奴十九年始以強壯出及
還鬚髮盡白○泰山石立上林儼柳自起生符節令
眭弘上書言當有一庶人為天子者語
聞以妖言伏誅未幾而宣帝立自民間

宣帝詔求微
時故劍

趙廣漢發奸
摘伏如神
見事風生

路溫舒上尚
德緩刑書

王褒作聖主
得賢臣頌
韓延壽閉閣
思過
置常平倉

漢昌邑王在宣帝在位廿五年號本始地節
元康神爵五鳳甘露黃龍
昌邑王立僅二十七日遊戲無度霍先不敢負社稷奉
太后命廢之而立宣帝講論五經信賞必罰吏治民安
人材稱盛矣股肱稱美矣畫功臣於麒麟閣上惟霍光
不名蓋為其功大耳然則有罪猶當十世宥之何骨未
寒而族已赤哉深知太子仁柔則當裁奄寺之權抑椒
房之勢而乃任引恭石顯久居要地使許延壽史高竝
列崇階凡言事必勅其詳議則是國家大事非二者不
得與聞其流尚可止耶

趙充國貴謀
賤戰
丙吉問牛喘
蓋實饒以直
言死
霍氏之禍萌
於驂乘
朱邑治行第
一
張敞五日京
兆
嚴延年屠作
鳳凰三集
求金焦碧雞
之神

昌邑宜帝
宣帝詔諸儒講五經同異於石渠閣帝親稱制臨決
焉乃立梁邱易大小夏侯尚書穀梁春秋博士梁邱
名賀大夏侯名勝小夏侯名建穀梁名淑麒麟閣
上惟霍光不名曰大司馬大將軍博陸侯霍氏其他
張安世韓增趙充國魏相丙吉杜延年劉德梁邱賀
蕭望之蘇武凡十一人○霍光夫人顯及禹山等謀
廢天子事覺族誅○龔遂守渤海躬率儉勤勸民農
桑民有帶刀劍者使賣劍買牛賣刀買犢曰何為帶
牛佩犢○尹翁歸為東海太守公廉明察郡中吏民
賢不肖皆有記籍披籍取人以一警百吏民畏服○
黃霸為潁川太守外寬內明得吏民心治為天下第一
○太傅疏廣少傳疏受同乞骸骨帝許之加賜黃金
及歸賣金買酒與故舊為歡或勸廣以金為子孫
立產業廣曰賢而多財則損其志愚而多財則益其
過且富者眾之怨也吾既無以教化子孫不欲益其
過而生怨又此金者聖王所以惠養老臣故樂與鄉
黨共享其賜以盡吾餘日
不亦可乎於是族人悅服

賈捐之議棄
珠崖
薛廣國諫從
橋
匡衡疏六戒
貢禹朋經著
節

漢元帝 在位十六年號初
元永光建昭竟寧
漢元帝在東宮多材藝喜詩書溫雅有古風烈及親政
貧民賑焉種食貸焉宮館罷焉數月間善政迭書率是
而行孝文亦不是過然史高以外戚領尚書恭顯以宦
官典樞密所用非人天下事已不可與有為矣主德不
明優柔不斷牽制文義羣小構讒使蕭望之飲鴆周堪
疾病張猛自殺京房見誅有善不能用有惡不能去無
知人之識乏明斷之才以釀外戚宦官之禍西漢之陵
夷決於帝已

馮野王行能
第一

召信臣治行
第一八號召
父

王嬙下賜單
于

甘陳矯制立
功
雌雞化雄雄
雞生角
隕石

元帝

蕭望之周堪皆以師傅舊恩天子任之與劉更生金
徹並拾遺左右四人同心謀議史高充位而已由是
與望之有隙中書令弘恭僕射石顯久典樞機望之
建白以為中書政本不宜用宦官當罷之應古人不
近刑人之義恭顯因奏望之與周堪劉更生朋黨請
召致廷尉帝可其奏竟罷免然帝器重望之不已會
望之子伋上書訟前事恭顯奏望之教子上書失大
臣體請逮捕帝乃召望之望之飲酖死○以周堪為
光祿大夫領尚書事張猛為大中大夫給事中石顯
管尚書尚書五人皆其黨堪希得見常因顯白事事
決顯口會堪疾瘖不能言而卒顯誣譖猛令自殺於
公車○京房精於易知數策事多奇中天子悅之然
為石顯五鹿充宗所忌出為魏郡太守未幾石顯譖
房誹謗天子遂棄市房先受易於焦延壽延壽嘗言
得吾道以亡身者必京生也果然○石顯與僕射牢
梁少府五鹿充宗結為善友民歌之曰牢耶石耶五
鹿客耶印何纍
纍絃若若耶

漢成帝

在位廿六年號建始河平
陽朔鴻嘉永始元延綏和

陸直身兼數
器

班伯讜言

劉向進洪範
五行傳論

何武去後思

漢成帝臨朝淵默尊嚴若神有穆穆天子之風第湛於
酒色委政士民廢許后寵飛燕合德使諸舅日熾國勢
日衰天災地變史冊已不勝書帝不疑王氏此谷永杜
欽張禹蔽之也然其時直臣亦不少王章死獄劉輔鬼
薪梅福朱雲上書折檻劉向封事極言王與劉勢不並
立帝惟歎息悲傷而已其何以弭災異安社稷耶帝素
無疾病晨起不能言推治起居合德自殺此禍水也滅
火必矣漳方成之言驗乎

漢書

十二

石

帝微行禪富平侯家人

孔光削草

民訛言大水至

黃霧四塞

秋桃李實

鐵飛

成帝

悉封諸舅為列侯譚商立根逢時同日封故世謂之五侯。初許后與班婕妤皆寵帝欲與婕妤同輦辭曰觀古圖畫聖賢之君各臣在側三代昏主乃有嬖妾今欲同輦得毋似之乃止。帝過陽阿主家悅歌舞者趙飛燕召入宮大幸女弟合德復召入姿性尤醜粹披香博士淳方成在帝後唾曰此禍水也滅火必矣姊弟皆為佞仔譖后及班因廢之。四月雨雪時政在王鳳議者多歸咎焉谷永因欲自託乃曰骨肉大臣有忠無患陛下不宜聽謗說歸咎無辜重失天心杜欽亦倣此意故得擢光祿大夫。張禹年老子弱恐為王氏所怨亦曰災變之意深遠難見淺見鄙儒亂道誤人宜毋信用帝由是不疑王氏。王章上書言日食之咎皆鳳所致因薦馮野王以代鳳鳳懼使尚書劾章致死。立飛燕為后劉輔切諫詔獄論為鬼薪取薪於山以給宗廟三歲刑也。故南昌尉梅福上書不報。槐里令朱雲上書求見願賜尚方斬馬劍斷佞臣一人頭以厲其餘謂張禹也御史將雲下雲攀殿檻檻抗

漢哀帝

在位六年號建平延壽

劉歆典頌五經

賈讓治河三策

鮑宣言七亡七死

漢哀帝初封於外好禮節儉深知先帝優容五侯驕恣而欲收攬威權以則武宣奈德不優才不振復為傅太后后所制孔光朱博等小人用事致有中山東平之獄王嘉鄭崇鮑宣之死天下誰不非之更寵董賢且曰吾欲法堯禪舜嗚呼自古固多溺愛之君未聞有頑童而欲禪以天下者使莽聞之豈不曰若彼頑童固可受禪如我國戚何難僭號吾知莽之篡逆不待元始而逞其欲在帝之時早已蓄於胸中矣

漢書

十三

石

更號陳聖劉
太平皇帝

彭真乞歸

民訛言行籌

帝為定陶共王之子元帝庶孫傅太太后其王母也
○以朱博為丞相臨庭登受策有大聲如鐘鳴殿中
帝問黃門侍郎李尋尋曰此洪範所謂鼓妖也人君
不聰為眾所惑空名得進則有聲無形不知所從出
宜退丞相以應天變帝不聽○中山王馮太后亦元
帝后及其弟參被誣皆自殺○東平王雲坐祀祭祝
詛自殺○帝欲益封董賢丞相王嘉封還詔書不食
而死○尚書鄭崇諫寵董賢由是數以職事見責趙
昌因奏崇與宗族通疑有姦帝責崇曰君門如市何
以欲禁切主上崇曰臣門如市臣心如水願得考覈
帝怒下獄殺之○丞相孔光行園陵馳道中鮑宣鈞
止之反以摧辱宰相下獄諸生舉幡太學下曰欲救
鮑司隸者會此會者千人遮丞相自言又守闕上書
上竟抵宣罪○董賢常與帝同臥起一日賢書寢偏
藉帝袖帝欲起賢未覺不欲動賢乃斷袖而起賢嘗
侍宴帝有酒從容視賢笑曰吾欲法堯禪舜何如其
拜大司馬册交有允執其中語孔光知帝
尊寵賢下車拜謁賢由是權與人主侔矣

哀帝

梅福變姓名
為吳門市卒

逢萌掛冠

龔勝即殺加
身不食而死

薛方守箕山
之節

禁卯金刀
新室文母

作井田
王田私屬

漢平帝

在位五年號元始○孺子嬰王莽居攝一
年僭位十五年號初始始建國天鳳地皇

漢平帝雖立王莽總已賜號安漢公繼加宰衡再加九
錫。豈帝真下愚時權在莽挾帝以不得不然之勢耳。椒
酒置毒莽實弑帝而乃藏策金滕將誰欺乎由是稱攝
皇帝又稱假皇帝立孺子嬰止兩歲莽利其幼也使王
舜請璽太后涕泣以璽投地未幾廢嬰為安定公遂篡
位稱新皇帝據十五年亂政紛紛迫漢兵扶至漸臺將
嚙其身切其舌何莽此時尚不覺悟猶曰天生德於子
漢兵其如子何

漢書

十四

石

莽大夫楊雄死

陳咸用漢祖

黃霧四塞四月隕霜

雪深一丈民訛言黃龍

平帝王莽

自孔光等養成漢禍。詔侯成風采伊尹周公稱號。加莽為宰衡。上書頌莽者至四十八萬人。○莽因臘日上椒酒。置毒酒中。帝疾。莽作策請命於泰畤。願以身代藏策。金滕置於前殿。勅諸人莫言。○武功井中得白石。文曰告安漢公莽為皇帝。羣臣奏太后請安漢公踐祚。謂之攝皇帝。詔曰可。又詔莽朝見稱假皇帝。○莽既篡位。親執孺子手流涕歎曰。昔周公攝位。終得復子明辟。今予獨迫皇天威命。不得如意。哀歎良久。於是中傅將孺子下殿。北面稱臣。時長安狂女子呼道中曰。高皇帝大怒。趣歸我國。不者九月必殺汝。莽捕殺之。○莽以軍師外破大臣內叛。憂懣不能食。但飲酒啗鰓魚。及漢兵至武關。莽親率羣臣至南郊。搏心大哭。氣盡伏而叩頭。俄亂兵入火及掖庭。承明孝平皇后曰。何面目見漢家。遂投火而死。莽避火宣室。旋席隨斗柄而坐。曰。天生德於予。漢兵其如予何。且明羣臣扶莽之漸。臺晡時。眾兵上臺斬莽首。將其身節解。鬻分傳首。詣宛百。姓其提擊之。或切食其舌。

漢淮陽王在位二年號更始

莽末諸雄欲立劉後以從人望。新市平林。憚劉縯威名。貪更始懦弱。定策立之。縯即被殺。長安兵四集。爭斬莽首。更始始都洛陽。諸將過皆冠幘。服婦人衣。士民笑之。及居長樂。升前殿。俛首刮席。忤不敢視。委政趙萌。飲讌後庭。羣小膳夫。濫膺官爵。有竈下爛羊之謠。蕭王秀既平王郎。復滅銅馬。乃赤眉兵熾。奉劉盆子攻入長安。更始未及降。而蕭王已即位鄜南矣。詔封更始為淮陽王。及其死也。詔鄧禹葬之霸陵。

長人巨無霸號百萬

侏儒郭君章

鴉禽破陣

耿身被劍歸蕭王

北道主人

劉望僭稱帝
伏誅

疆華進赤伏
符於蕭王

淮陽王
新市王匡等進攻隨縣平林人陳牧廖湛舉兵應之
○宗室劉縯及弟秀起兵春陵興復帝室新市平林
兵皆附及更始立諸將又憚劉縯威名陰勸更始除
之更始不敢發部將劉稷聞更始立怒曰本起圖大
事者伯升兄弟也今更始何為者耶更始收稷縯固
爭於是并執縯殺之○更始都洛陽以劉秀行司隸
校尉使前修整宮府時三輔更士東迎更始莫不笑
之及見司隸僚屬皆懼喜不自勝老吏皆垂涕曰不
圖今日復見漢官威儀由是識者皆屬心焉○長安
諺曰竈下養中郎將爛羊胃騎都尉爛羊頭關內侯
○秀攻邯鄲斬王郎得吏民與郎交關謗毀者數千
章悉燒之曰令反側子自安○銅馬諸賊俱降降者
意不自安秀乃乘輕騎按行諸部降者語曰蕭王惟
赤心置人腹吾儕安得不投死故關西號秀為銅馬
帝○更始每朝見但南面立羞愧流汗舉手不能言
諸將後至者輒問擄掠得幾何及盆子入則單騎走
從厨城門出諸婦女從後連呼曰陛下
當下謝城即下拜復上馬其癡愚如此

卓茂律設大
法禮順人情

伏隆死節

于陽井底蛙

待盆子以不

死

班彪著王命

論

一九泥封函

谷關

客星犯帝座

嶺南華風始

於二守

竹馬兒童拜

迎郭伋

馬援聚米為

山谷

得隴望蜀

漢光武帝

在位三十三年
號建武中元

漢光武業係中興事同開創當天下大亂兄伯升好俠
養士帝獨勤於稼穡人比之高祖兄仲抑何自寂寞也
迨昆陽捷後伯升遇害而能隱忍圖存以待赤眉兵亂
盆子角立神器曠無所歸然後一鼓而收之所謂知進
退存亡而不失其正者惟帝足以當此章陵宗室曰文
叔少時謹信與人不欵曲直柔耳帝笑曰吾理天下亦
欲以柔道行之真至言也但廢郭后易太子信圖識行
封禪不免盛德之累已

祭遵雅歌投壺
吳漢八戰八克
實賊歛手避二鮑
寶融入朝郵傳拒闕不
開
韓歆直諫被殺
董宜疆項
郭况全六
瞿鑣哉是翁
馬援戒子
第五倫公平
廉介
樂此不為疲

光武
伯升為更始所害帝絕不作威容惟痛自引咎至不敢為兄喪飲食言笑怙如也而枕席間淚常交漬下馬異獨寬譬之○郭后寵衰數懷怨懟故廢郵傳言於帝曰臣聞夫婦之好父不能得之於子况臣能得之於君乎是臣所不敢言雖然願陛下念其不可勿亂大倫使天下有議社稷者○郭后既廢太子彊意不自安屢請願備藩國乃立東海王陽為太子改名莊以彊為東海王○起靈臺明堂辟雍宣布圖讖於天下祖譚上疏切諫帝大怒曰祖譚非聖無法將下斬之良久乃得解出為六安郡丞道卒○杜詩為南陽太守人語曰前有召父後有杜母○寇恂從帝南征潁川盜賊悉平竟不拜郡百姓遮道曰願復借寇君一年乃留恂長社○張堪為漁陽太守民歌曰桑無附枝麥穗兩岐張君為政樂不可支○徵劉昆為光祿勳帝問曰前在江陵反風滅火後守弘農虎北渡河行何德政而致是事對曰偶然耳左右皆笑帝歎曰此長者之言也顧命書諸策

漢明帝 在位十八年號永平

幸孔子宅

漢明帝以世祖為父以光烈皇后為母以東海王彊為兄以馬貴人為后賢哲一堂人倫樂事亦云備矣年十二即辨陳雷吏牘之語及即位臨雍講藝勲感莫不受經匈奴遣子入學四姓小侯立學於南宮二十八將圖畫於雲臺故永平之政東都稱美薄諸子之封獨隆中山東平之賜馬廖兄弟未嘗私恩改官郭况以廢后之戚均禮陰氏帝亦何愧於明哉所可恨者求天竺佛法以為中國無窮之禍真萬古之罪人矣

郭賀行部去
稽唯

楚王最先好
佛後被殺連
坐者以千數

廉范兩炬三頭

漢家神箭

耿弇拜井

郎官上應列宿

明帝

光武以天下墾田多不以實戶口年紀互有增減乃詔下州郡檢覈時請郡各遣吏奏事見陳雷吏牘有書視之云潁川弼農可問河南南陽不可問光武詰吏由吏不肯服光武怒時帝在幄後言曰河南帝城多近臣南陽帝鄉多近親田宅踰制不可為準及詰吏由吏乃首服如對○幸辟雍行養老禮以李躬為三老桓榮為五更禮畢引桓榮及弟子升堂帝自為辨說諸儒執經問難於前冠帶縉紳之人園橋門而觀聽者蓋億萬計○四姓小侯謂外戚樊郭陰馬也○二十八將鄧禹馬成吳漢王梁賈復陳俊耿弇杜茂寇恂傅俊岑彭堅鐔馬異王霸朱祐任光祭遵李忠景丹萬修蓋延邳彤姚期劉植耿純臧宮馬武劉隆又益以王常李通竇融卓茂合三十二人馬援以椒房之親獨不與焉○帝分封皇子親定其封域裁令半楚淮陽馬后曰諸子食數縣不已儉乎帝曰我子豈宜與先帝子等謂東平王蒼中山王焉也○馬廖馬防馬光皆后兄弟弟終帝世未嘗改官○郭况光武廢后外戚陰氏帝母家也

漢章帝

在位十三年號建初元和章和

漢章帝力行寬大虎觀談經篤友愛之情議貢舉之法輕徭薄賦與天下休息為東漢賢君第寵竇后啟竇憲弄權之漸寵竇憲成外戚為亂之階曹丕謂明帝察察章帝長者然觀其所為適以長者自累耳內則后之譖殺貴人而廢太子外則奪公主園田而不能罪張林楊光恃勢貪殘太尉鄭弘奏言即死傅育擾動諸羌梁竦無辜斃獄而竇氏驕淫滋甚不能以時收剪其失不有甚於明帝哉

兵 易終請罷兵

政 馬廖勸成德

馬防耿恭同功異賞

漢書

十八

石

陳寵請改苛俗

魯恭治中牟三異

鄭均白衣尚書

班超去妻

曹褒定漢禮

章帝

詔諸儒會白虎觀議五經同異丁鴻班固等皆與焉。有司奏請東平王歸國帝手詔曰骨肉天性誠不以遠近為親疏然數見顏色情重昔時念王久勞思得還休欲著大鴻臚奏不忍下筆顧授小黃門中心戀戀惻然不能言於是申駕相送涕泣而訣。詔議貢舉法韋彪上議曰國以簡賢為務賢以孝行為先是故求忠臣於孝子之門然其要歸在於選二千石二千石賢則貢舉得其人矣。初宋貴人生太子慶實后養梁貴人子肇為己子謀陷宋氏及廢慶立肇梁氏私相慶后忌之諸竇作飛書陷梁竦竦死獄中竦女兩貴人俱以憂死。竇憲以賤直奪沁水公主園田。鄭弘奏憲專權林光助憲遂收印綬而死。廉范遷蜀郡太守百姓歌曰廉叔度來何莫不禁火民安作昔無襦今五袴。詔嬰兒無親屬及有子不能養者廩給之。或問第五倫曰公有私乎曰吾兄子病一夜十往退而安寢吾子病雖不往而竟夕不眠若是者豈可謂無私乎。

竇憲刻石燕

然

韓稜正色立朝

詔檢勅鄧氏

漢和帝 在位十七年 殤帝 在位一年
號永元 元興 號延平

漢和帝勒兵誅憲獨行威斷友愛兄弟吸納嘉言因旱蝗而除租稅詔太官勿受珍羞亦慈儉之君也。帝雖育於竇太后實梁貴人子梁姊詔寃帝以臣子無貶尊上之文讀其手詔益知其為仁孝也。第鄧眾宦官也雖有除逆之功而賞爵封侯未免太過殤帝即位鄧太后臨朝恭肅小心動有法度以張禹為太傅徐防為太尉鄧隲為車騎處置井然鄧之賢於竇遠矣而帝立以百日崩以二歲此殤之所由諡歟。

漢書

樊冲請興學
拔

詔舉隱逸選
博士

水清無大魚

和帝殤帝

帝以朝臣莫不附憲中常侍鄭眾獨有心機遂與定議誅憲封眾為勳鄉侯○臨武長唐羌上疏曰臣聞上不以滋味為德下不以貢膳為功南州炎熱惡蟲猛獸不絕於路獻生龍眼荔枝者觸犯死亡不可勝數死者不可復生來者猶可救也詔曰遠方珍羞本以薦奉宗廟苟有傷害豈愛民之本其勅太官勿復受獻○初梁貴人死宮省事秘莫知帝為梁氏出會貴人姊上書自訟乃知貴人枉死帝感慟良久三公奏請貶竇太后尊號不宜合葬先帝帝詔曰竇氏雖不遵法度而太后常自減損朕奉事十年深惟大義禮臣子無貶尊上之文恩不忍離義不忍虧其勿復議乃追尊母梁貴人為皇太后封梁竦王子為侯梁氏自此盛矣○班超起自書生投筆有封侯萬里之志有相者謂曰生燕頰虎頭飛而食肉萬里侯相也及久在西域年老乞歸曰臣不敢望酒泉郡但願生入玉門關久之未報超妹曹大家為超上書求哀帝感其言詔還京師

仲長統昌言

錄囚恣兩

虞詡盤根錯
節
增寵

漢安帝 在位十九年號永初
元初永寧建光延光

漢安帝之立也鄧太后猶臨朝抑外戚省俱奉作祚刑善政多端帝年二十二始立后至二十七尙未反政豈太后之專擅哉太后崩而鄧騭等皆自殺矣江京李閏為列侯矣王聖為野王君矣楊震來歷先後被樊豐之讒而去矣始則閹后妬忌殺太子之母而不能問繼則京豐交譖陷太子之廢而不能辨一旦不諱樹立嬰孩遂至妬后臨朝權歸閹尹帝之不德若此則知太后握固不予非得已也

漢書

二十

石

設三科以募壯士采練纒裙

班勇有父風

幸馮石府曹飲十日

安帝
司徒魯恭奏舊制立秋乃行薄刑自永元以來改用孟夏上逆時氣下傷農桑按月令孟夏斷薄刑者謂輕罪已上不欲久繫故特斷之也可令大辟之科盡冬月乃斷從之○江京李閏樊豐皆宦官○王聖帝乳母○閏后性妬後宮李氏生皇子保后鳩殺李氏帝納江京樊豐之譖廢太子保太僕來歷要結劉禕等證太子無罪下詔責之乃各引去歷獨守關連日不肯去○楊震孤貧好學諸儒謂之關西夫子楊伯起累遷荆州刺史昌邑令王密夜懷金十斤遺之震曰故人知君君不知故人何也密曰暮夜無知者震曰天知地知我知子知何謂無知密愧而出或勸震為子孫開基業震曰使後世稱為清白吏子孫以此遺之不亦厚乎官至太尉被讒飲酖而卒○黃憲字叔度潁川荀淑嘗異之陳蕃周舉每相謂曰時月之間不見黃生則鄙吝之心復生於心矣郭泰亦謂其汪汪若千頃波澄之不清滯之不濁云○薛苞與兄弟異居奴婢引其老者田廬取荒頓者器物取朽敗者弟子數破其產輒復賑給帝聞之徵拜侍中

漢北鄉侯在順帝在位十九年號永建
位八月 順帝 陽嘉永和漢安建康

法真隱居不仕

左雄有王臣之節

漢順帝為太子時降封濟陰安帝既崩以廢黜不得上殿親臨梓宮悲號不食閭后貪北鄉侯年幼迎而立之八月而薨中常侍孫程等十九人誅閭顯兄弟遷太后於離宮而帝即位天下想望其風采黃瓊李固董相繼登用東京之士於茲盛焉惜乎不能善用其才耳然能朝太后起太學還大珠葬楊震似非下愚之主而令中官養子襲爵又封乳母宋娥任梁冀兄弟無君錮寵不悟則其愈於下愚者幾何哉

北鄉侯順帝

時徵江夏黃瓊李固以書遺之曰君子謂伯夷盜柳下惠不恭不夷不惠聖賢居身之所珍也語曰曉曉者易缺皦皦者易汙盛名之下其實難副俗論皆言處士純盜虛聲願先生即此遠謨令眾人歎服一雪此言爾瓊後居職達練官曹爭議朝堂莫能抗奪數上疏言事帝頗採用之○李固郃之子少好學嘗改易姓名杖策驅驢負笈從師不遠千里究覽墳籍為世大儒每到太學密入公廡定省父母不合同業書生知其為郃子也○初議郎陳禪以閹太后與帝無母子恩宜絕朝見李郃密表力爭其不可帝從之○安帝薄於藝文學舍鞠為園蔬翟酺上疏請更修結誘進後學帝從之○桂陽獻大珠不受○詔葬楊震時有大鳥高丈餘集震喪前俯仰流淚始飛去○遣杜喬張綱等八人分行州郡張綱獨埋其車輪於洛陽都亭曰豺狼當道安問狐狸遂劾奏大將軍梁冀河南尹梁不疑專肆貪叨仇害忠良謹條其無君之心十五事書奏京師震悚

李固政為天下第一

張衡作渾天儀

漢冲帝

在位一年
號永嘉
質帝
號本初

皇甫規君舟民水之喻

漢冲帝內恃太后外任李固梁冀雖忌尚未敢害也踰年遂崩清河渤海並徵至京清河嚴重公卿歸心冀利渤海年幼排眾立之質帝雖冀所立少而聰慧嘗因朝會日冀曰此跋扈將軍即受毒餅之禍其時李固身為上公當奉太后冕服而臨窮究侍醫倖謀使不及備逆臣即可授首因而策立清河不崇朝漢祚可復隆矣豈意太后左右皆冀腹心一人叫呼眾必不應固雖效枕尸之哭而即策免矣吁恨哉

梁並以恩信招誘叛羌

質帝有昭帝風

梁穆戒梁異

冲帝既崩李固謂梁冀曰立帝宜擇長年有德任親政事者願將軍審詳大計察周霍之立文宣戒鄧閻之利幼弱冀不從與太后定策禁中迎立質帝○按爾雅山昇而大扈跋者不由蹊隧而行言強梁之人行不由正路山昇而大且欲跋而踰之故曰跋扈二帝食毒餅苦煩其召李固固入前問帝曰食煮餅腹悶得水尚可活冀曰恐吐不可飲水語未絕而崩固伏尸號哭推舉侍醫議立嗣先與冀書曰先世廢立未嘗不詢訪公卿廣求羣議今上應天心下合眾望國之興衰在此一舉冀乃召百官入議固及杜喬等皆欲立清河王冀白太后先策免固迎立桓帝○廣陵張嬰據郡反歷陽盜華孟自稱黑帝膝撫進擊嬰及孟皆破斬之東南悉平○永昌太守劉君世鐸黃金爲文蛇獻冀益州刺史种嵩糾發逮捕馳傳上言冀由是恨嵩會巴郡人服直謀反稱天玉嵩等討捕不克冀因此陷之李固上疏力救嵩得赦罪免官而已金蛇輸司農冀從大司農杜喬借觀之喬不與冀心銜之

冲帝質帝

今日得御李

君登龍門

李郭仙舟

潁川四長

范滂登車攬轡有澄清天下之志

陳蕃下榻

姜肱兄弟同被張陵奪劍

漢桓帝

在位廿一年號建和和平元嘉永興永壽延禧永康

漢桓帝亦梁冀所立生殺予奪盡出於冀莫敢誰何未幾單超等鬻血定盟盡滅冀族朝野喁喁稱快奈梁氏方鋤五侯繼虐毒徧海內與盜無異更興部黨以李膺杜密爲名胥天下賢士號爲黨人捕而誅之錮之其禍反勝於冀時論者謂士君子不能善藏其用使暴秦焚坑之禍復見於今不能無遺憾焉尤可異者二十一年凡三立后兩不食死專事畋遊急於征斂或云陳蕃任事則治吾不信也

劉龍一錢
劉寬蒲鞭示
辱
孟敏墜甌不
顧
張成風角
元方季方難
兄難弟
平原無黨
皇甫規恥不
與黨
賣關內侯以
下官

桓帝
李固既廢內外喪氣惟杜喬正色無所回撓朝野倚
望焉會京師地震喬以災異冀免梁冀乃使馬融草
奏誣李固杜喬與妖賊劉鮪交通收下獄死○封單
超左瑄貝瓊徐璜唐衡為列侯超卒四侯轉橫天下
為少語曰左回天貝獨坐徐臥虎唐兩墮虎偏天下
與盜無異○李膺杜密名行相次時人謂之李杜時
甘陵周福房植二家賓客互相譏謗有南北部黨人
之議太學諸生三萬餘人郭泰賈彪為其冠與李膺
陳蕃等更相褒重於是中外承風競以臧否相尚宦
官因緣譖訴遂捕李膺杜密部黨二百餘人下獄策
免太尉陳蕃○荀淑有八子時人謂之八龍陳寔與
淑齊名嘗詣淑長子元方御車次子季方駉乘孫羣
尚幼抱車中至淑家八龍送侍左右淑孫或尚幼抱
置膝上太史奏德星見五百里內有賢人聚○崔實
政論其畧曰夫刑罰者治亂之藥石也德教者與平
之藥肉也以德教除殘是以梁肉治疾也以刑罰治
平是以藥石供養也仲長統見其書
歎曰凡為人主宜寫一道置之坐側

張儉望門投
止
孔褒一門爭
死
夏馥隱名避
禍
袁閔卒於土
室
申屠蟠超然
免於評論
胡廣萬事不
理
張讓父死陳
寔獨弔
汝南許劭月
旦評

漢靈帝初立陳蕃竇武輩同心佐治天下延頸以望大
平無何曹節王甫矯詔發兵復治鈞黨流毒縉紳三君
俊顧及厨之流死徙廢禁難以悉數張讓與張角交通
不加之罪張鈞呂彊直言賈禍王允盧植皇甫嵩有平
賊大功反多罪獄而封讓等為十三侯開邸立庫賣官
聚錢漢之天下可復保乎其時變異有從古所無者仍
立畢圭靈昆二苑作列肆於後宮以為淫樂不知社稷
之將亡人嘗言桓靈靈又劣於桓已

漢靈帝 在位廿二年號建
寧熹平光和中平

桓典驄馬御
史
董卓擢用天
下名士
許生僭稱帝
孫堅殺之
張舉僭稱帝
劉虞殺之
青蛇見御座
上
雌雞化雄
黑氣如龍墜
溫德殿庭
青虹見玉堂
殿庭

殺李膺等百餘人初李膺等雖禁錮士大夫高尚其道更相標榜以賈武陳蕃劉淑為三君君者世所宗也。以李膺杜密等為八俊俊者人之英也。以郭泰范滂等為八顧顧者能以德行引人也。以張儉等為八及及者能導人追宗也。以杜尚等為八厨厨者能以財救人也。○黃巾賊張角以妖道聚眾數萬中常侍封諸等為內應京師震動及封諸事發帝詰責諸常侍皆叩頭求退已而其譖呂彊彊遂自殺張鈞上書請斬十常侍以謝百姓帝怒曰此真狂子也御史遂誣鈞學黃巾道掠死禁中。○盧植破張角乖當拔之宦官誣植抵罪詔皇甫嵩討角大破之會角已死剖其棺傳首京師王允破黃巾得張讓交通書帝不罪讓反徵允下獄得減死論末幾皇甫嵩亦罷。○開西邸賣官西園立庫貯錢崔烈入錢五百萬得為司徒問其子曰外議何如答曰人嫌其銅臭耳。○作列肆於後宮使諸采女販賣更相盜竊爭鬪帝著商賈服從之飲宴為樂又於西園弄狗著進賢冠帶綬駕四驢躬自操轡京師相倣效驢價遂與馬齊。

靈帝

漢少帝

在位六月號

獻帝

在位三十一年號

管甯鋤金不

靈帝三子曰辯曰協辯立為少帝董卓至京師見於北

芒坂下遂心輕王室廢少帝弑太后立協為獻帝遷都

長安流離板蕩莫可勝言當王允等密謀呂布奮戟誅

卓幸冀苟安李傕郭汜治兵相攻劫天子質太尉紛爭

道路播遷無主曹阿瞞奸雄肆虐與董昭定畫遷帝於

許舉止動靜一聽挾持立魏宗廟而不敢問進爵白王

而不敢言杖殺國母而不敢救但曰我亦不知命在何

時嗚呼何其慘耶

孫權以荊州
借劉

楊彪四世清
德

盜牛守劍

非復吳下阿蒙

孫劉分荆州

龐統三計

關羽威震華夏

少帝獻帝

少帝既立何太后臨朝中軍校尉袁紹勸大將軍何進悉誅宦官進曰太后不聽未幾進召董卓使將兵詣京師卓即時就道未至進為張讓等所殺袁紹乃勒兵捕諸宦官皆殺之讓等因迫遂將帝出殺門讓等自投河死卓至迎帝於北芒坂下尋廢之而立獻帝弒何太后司徒王允與校尉黃琬僕射士孫瑞密謀使中郎將呂布誅卓布曰如父子何允曰君自姓呂卓非骨肉擲之事豈有父子情耶布遂趣兵斬卓卓將李傕郭汜舉兵犯關收允殺之尋催攻汜劫帝入其營帝使公卿和催汜汜留太尉楊彪等為質復攻催遷帝於北塢後董卓承等奉車駕至洛陽曹操在許謀迎帝將兵詣洛陽遂遷帝於許由是政歸曹氏天子守位而已○時董承女為貴人操誅承求貴人殺之帝以貴人有娠為請不得伏后懼與父書令密圖之事泄操乃勒兵入宮牽后出時帝在外殿后披髮徒跣行過訣曰不能復相活耶帝曰我亦不知命在何時願謂郗慮曰郗公天下豈有是理耶及操卒子不遂篡漢

附兩漢末諸人

赤眉

劉盆子太山式人陽城景王章之後祖憲為式侯父萌嗣莽時國除兄恭茂與盆子俱掠在赤眉軍中赤眉者瑯邪人樊崇起兵於莒眾數萬人皆赤其眉以相識以名為羣賊乃奉盆子為帝改元建世攻入長安殺更始轉掠郡邑發掘諸陵盡取其寶玩遂汗辱呂后尸僭位一年至宜陽降光武光武乃大陳兵臨洛水合盆子君臣列觀之因顧謂崇等曰得無悔降乎朕今且遣卿歸營勒兵鳴鼓相攻以決勝負不欲強相攝也崇等叩頭曰今日得降猶去虎口歸慈母誠懼誠喜無所恨帝曰卿所謂鐵中錚錚傭中佼佼者也遂以盆子為趙王郎中

後病失明賜榮陽地稅食終身

邯鄲

王昌一名邯鄲人王星卜常云河北有天子氣詐稱已乃成帝子真子興更始元年趙國大豪李育劉林等信之聚眾入邯鄲立郎為天子移檄遠近莫不響應僭位五月光武滅之

漢書

廿六

石

淮南 李憲許昌人莽時為廬江屬令莽敗據郡自守自稱淮南王莽自立為天子置公卿百官僭位六年

光武遣馬成滅之

西平 盧芳安定人莽時詐稱武帝曾孫與羌胡起兵更始徵為騎都尉使鎮撫安定以西更始敗自立為西平王與匈奴和親匈奴立為漢帝僭位十二年後降光武封為代王復叛入匈奴而死

梁 劉永睢陽人梁孝王之後更始元年起兵自稱天子專據東方光武使蓋延斬之子紆復自立為梁王敗奔董憲憲敗為軍士所殺

張步瑯邪人更始元年起兵據郡劉永拜為輔漢大將軍光武遣伏隆拜步東萊太守永聞隆至先立步為齊王步遂不受命永死子紆立步乃立其將費邑為濟南王光武遣耿弇伐之斬費邑步遂降後復叛逃陳俊追斬之

董憲東海人更始元年起兵據郡劉永拜為翼漢大將軍又立為海西王永死光武伐之敗亡

龐萌山陽人更始立為冀州牧後降光武為平狄將軍復叛與董憲連和自號東平王光武遣吳漢滅之公孫述茂陵人莽時為蜀郡太守更始立詐稱輔漢將軍攻據成郡自立為蜀王建武元年僭稱成帝改元隆興盡有益州之地凡十二年先是述夢人語之曰八子系十二為期覺謂其妻曰雖貴而祚短奈何妻答曰朝聞道夕死可矣果十二年光武遣吳漢滅之○初述徵廣漢李業業不就述使人劫以毒酒業歎曰古人危邦不入亂邦不居為此故也遂飲毒死又聘巴蜀譙元元不詣亦以毒劫之元曰保志全高死亦何恨遂受毒藥元子瑛奉錢千萬以贖父死許之又徵蜀郡王皓王嘉恐其不至先繫其妻子皓嘉皆自殺譙為費貽不肯仕述際身為癩陽狂以避之同郡任永馮信俱託青肯以辭徵命光武既平蜀元已卒祠以中牢勅所在還其家錢而表業

閻徵貽永信會永信卒貽仕至合浦太守

漢書

廿七

石

甯朔

魏囂或紀人更始時起兵立漢宗廟改元漢復自號白虎將軍更始以為御史大夫建武元年白稱西州上將軍尋上書詣闕遣子恂入侍徵使討蜀囂持兩端光武討之降公孫述封為甯朔王光武親征凡三年囂死諸將立少子純為王明年來歙等滅之

楚

秦豐黎邱人更始時據黎邱自號楚黎王僭位三年光武遣岑彭滅之。延岑南陽人與秦豐合兵豐以女妻之豐敗降述述以岑為大司馬封汝甯王述敗降於吳漢漢族滅之。田戎汝南人豐亦以女妻之豐敗降述述封為翼江王述敗降漢

燕

彭寵宛人西漢末為郡吏光武拜為漁陽太守建武三年負功失望與朱浮不相能遂據薊州反自稱燕王僭位三年其奴子密縛寵令作記出城取馬六匹裝金玉衣物斬寵首來降封為不義侯

冀州

袁紹字本初太尉袁安之後自號車騎將軍屯河內初平元年眾推為盟主尋自為冀州牧兼領四

州子譚熙尚遺命立少子尚兄弟相攻凡十八年曹操滅之

壽春

袁術字公路紹之從弟以俠氣聞為虎賁中郎將董卓廢少帝術奔南陽遂據其郡建安二年稱仲家都壽春凡十一年曹操攻之發病道死

益州

劉焉魯恭王之後為益州牧因人言蜀有天子氣嗣其廿七年降於昭烈。張魯先降於曹操其地并歸昭烈

荊州

劉表字景升為荊州牧不修職貢僭擬乘輿子琮嗣其十九年降於曹操

兗州

呂布字奉先建安元年襲取下邳稱徐州牧二年為左將軍三年曹操殺之凡五年

薊

公孫瓚遼西人攻幽州殺劉虞據其地因恃財力不恤民命建安四年袁紹攻之自焚而死凡九年

遼

公孫度元菟人自立為遼東侯孫子淵復自稱燕王司馬懿滅之其四十九年

漢書

廿八

石

史記

楚元王

高祖兄弟四人兄伯早卒其嫂在高祖微時常辟事時時與賓客過巨嫂食嫂厭叔一日叔與客來嫂作羹盡櫟釜客去已視釜中尚有羹高祖以是厭其嫂及即位盡封諸昆弟而伯子獨不封太上為言高祖曰某非忘之為其母不長者於是乃封其子信為羹頡侯誌櫟釜也

蕭相國

漢王與項羽相距京索間上數使使勞苦丞相鮑生謂丞相曰上暴衣露蓋數使使勞苦君者疑君也為君計莫若盡遣君子孫昆弟能勝兵者悉詣君所上必益信君何從其言上大悅淮陰侯既誅上使使益封何五千戶令卒五百人一都尉為相國衛諸君皆賀召平獨弔曰禍自此始矣上暴露於外君居守非被矢石而益君封置衛心疑君也置衛衛君非以寵君也願亟讓封勿受而悉出私財佐軍以釋上疑相國如其言上大悅

召平者故秦東陵侯秦破為布衣種瓜於長安城東瓜美世修謂東陵瓜從召平以為名也上之自將擊黥布也數使使問相國何為時何為上在軍獨樹桴百姓悉所有佐軍客說相國曰君族滅不久矣夫君位相國功第一可復加哉君初入關得百姓心十餘年矣當復孳孳務得民和上所為數問君畏君顛動關中也君何不多買田宅賤賣貨以自汙相國復知言上大悅

淮陰侯

韓信始為布衣時貧無行不得推擇為吏又不能治生商賈嘗從其下鄉南昌亭長寄食數月亭長妻患之乃晨炊蓐食食時信往不為具食信亦知其意怒竟絕去釣于城下諸母漂有一母見信饑飯信竟漂數十日信喜謂母曰吾必重報母母怒曰大丈夫不能自食吾哀王孫而進食豈望報乎淮陰屠中少年有侮信者曰若雖長大好帶刀劍中情怯耳眾辱之曰信能死刺我不能死出我袴下於是信熟視之俛出袴下蒲伏一市人皆笑信以為怯後佐漢定天下封楚王之國名漂母賜于金召亭長賜百錢曰公小人也為德不卒名辱已少

年以為楚中尉曰此壯上也方辱我時我甯不能殺之殺之無名故忍而就於此信之初歸漢也未知名為連敖坐法當斬其輩三十人皆已斬次至信信乃仰視適見滕公曰上不欲就天下乎何為斬壯士滕公奇之釋不斬言於上上猶未之奇也問與蕭何語何奇之會上入蜀諸將道亡者數十人信意上不用亦亡何聞信亡不及聞有追之人言丞相何亡上大怒如失左右手居二日何來謁上上且喜且罵何曰臣不亡追亡者信上復罵曰諸將亡以上數公無所追信詐也何曰請將易得耳至如信者國土無雙上計必欲東非信無可與共功者顧能用信信留不能信終亡耳上曰吾為公以為將何曰雖為將信必不留上曰以為大將何曰幸甚於是上即召信拜何曰此乃信之所以亡也上素慢無禮今拜大將如呼小兒此乃信所以亡也上必欲拜之請擇良日齋戒設壇場具禮乃可上許之於是乃拜當是時一軍皆驚

留侯

張良年十二時秦滅韓良以五世相韓故悉散家財圖

為韓報仇東見倉海君得力士為鐵椎重百二十觔會始皇東遊良與客狙擊始皇於博浪沙中誤中副車始皇大怒大索天下求賊甚急而不得遂變姓名匿下邳嘗步遊圯上有一老父衣褐至良所直墮其履圯下顧謂良曰孺子下取履良愕然欲殿之為其老強忍下取履父曰履我良業為取履因長跪履之父以足受笑而去良殊大驚目之父去里許復還曰孺子可教後五月平明與我會此良怪之跪曰諾五日平明良往父已先在怒曰與老人期後何也去後五日早來五日雞鳴良往父又先在復怒曰後何也去後五日復早來五日良夜未半往有頃父來喜曰當如是出一編書曰讀此則為王者師矣後十年興十二年孺子見我濟北穀城山下黃石即我矣遂去無他言忽不見良且日視書則太公兵法也良異之因習誦之竟以其術佐漢定天下其後十三年從高祖過濟北果見穀城山下黃石取而葆呵之及良卒葬黃石冢

陳丞相

平少貧好讀書與兄伯居有田三十畝伯耕田縱平遊

史記

三十

百

學平長而美色或謂曰若貧何食而肥若是嫂嫉平漫
應曰亦食糠粃耳伯聞為逐其婦及平長可娶妻富人
莫肯與貧者平亦恥之久之富人張負者有女孫五嫁
而夫輒死人莫敢娶平欲得之平嘗為邑人侍喪以先
往後罷為助負見之喪所獨偉平陰隨平覬其家乃
負郭窮巷敝席為門然門外多長者車轍負歸謂其子
曰吾欲以女孫予陳平其子恥之負曰人固有美好如
陳平而長貧賤者乎卒與女平既娶張女齋用益饒遊
道日廣里中社平為宰分肉食甚均父老曰善陳孺子
之為幸平曰嗟乎使平得宰天下亦如是肉矣

酈生

酈生食其高陽人好讀書家貧落魄稱狂生沛公過陳
留生踵軍門上謁使者曰沛公不好儒諸客冠儒冠來
者公輒解其冠溲溺其中與言嘗大罵未可以儒生說
也生曰第言之吾非儒生高陽酒徒也使使者乃入通公
公召生至則公方踞牀使兩女子洗足生入長揖不拜
曰足下必欲誅無道秦不宜倨見長者公乃輟洗起攝
衣延生上坐謝生遂以下陳留據積粟之策進沛公大

悅已復為漢說齊下齊七十餘城而韓信夜渡兵襲齊
齊王廣以生賣已謂曰若能止漢兵吾活若不且烹若
生曰舉大事不細謹盛德不辭讓乃公不為若更言王
竟烹酈生

陸賈

陸生時時前說稱詩書高祖罵之曰乃公居馬上而得
之安事詩書陸生曰居馬上得之甯可以馬上治之乎
且湯武逆取而以順守之文武並用長久之術也昔者
吳王夫差智伯極武而亡秦任刑法不變卒滅趙氏鄉
使秦已并天下行仁義法先聖陛下安得而有之高帝
不憚而有慚色乃謂陸生曰試為我著秦所以失天下
吾所以得之者何及古成敗之國陸生乃粗述存亡之
徵凡著十二篇每奏一篇高祖未嘗不稱善

曹相國

曹參始微時與蕭何善及為將相有卻至何且死所推
賢惟參參代何為漢相國舉事無所變更一遵蕭何約
束擇羣國吏木訥於文辭重厚長者即召除為丞相吏
吏之言文刻深欲務聲名者輒斥去之日夜飲醕酒卿

大夫以下吏及賓客見參不事事來者皆欲有言至者參輒飲以醇酒問之欲有所言復飲之醉而後去終莫得開說以為常百姓歌之曰蕭何為法顛若畫一曹參代之守而勿失載其清淨民以甯一

絳侯

文帝嘗備胡使將軍劉禮軍霸上徐厲次棘門周亞夫次細柳亞夫勃子也上自勞軍先至霸上棘門軍直馳入將以下騎出入送迎已之細柳天子先驅至不得入先驅曰天子且至軍門都尉曰軍中聞將軍令不聞天子詔有頃上至又不得入於是上使使持節詔將軍曰朕欲勞軍亞夫乃傳言開壁門壁門士請曰將軍約軍中不得馳驅於是天子乃按轡徐行至中營亞夫揖曰介胄之士不拜請以軍禮見天子為改容式車使人稱謝皇帝敬勞將軍成禮而去是時羣臣皆驚帝喟然曰嗟乎此真將軍矣鄉者霸上棘門直兒戲耳其將固可襲而虜也

鄧通

文帝時鄧通以雇船為黃頭郎帝嘗夢欲上天不能有

一黃頭郎從後推之得上顧見其衣綻帶後穿覺而之漸臺以夢中陰求推者郎見通其衣果後穿也因召問姓名幸之特異賞賜巨萬上嘗使善相者相通曰當貧餓死上曰能富通者我即賜通銅山得自鑄錢於是鄧氏富敵國其後景帝嗣素不喜通有告通盜出外徼外鑄錢者下吏按問遂盡沒入通竟寄死人家

李少君

武帝即位之明年李少君以祀竈穀食御老方見少君者故深澤侯舍人能使物善為巧發奇中嘗從武安侯吹坐中有九十餘老人少君乃言與其大父遊射處老人為兒時從其大父識其處一坐盡驚少君見上上有故銅器問少君少君曰此器齊桓公十年陳於柏寢已而按其刻果桓公器一宮盡駭以為少君數百歲人也嘗言遊海上見安期生安期生食巨棗如瓜其荒誕類此未幾病死而天子獨以為化去

卜式

武帝方遣將擊匈奴河南人卜式上言願輸家之半助邊天子使使問式欲官乎式曰臣少牧不習宦有冤欲

史記

三十二

石

言乎。式曰：臣生與人無爭，然則何欲而然？式曰：天子誅
匈奴，臣以為賢者宜死，節於邊有財者宜輸，委如此而
匈奴可滅也。使者還報，天子以問丞相，丞相曰：非人
情罷去之，會軍數出，縣官費空，明年貧，民大徙，式乃持
錢廿萬與河南守，給徙民，河南上富人助貧，人者籍天
子見卜式名，識之曰：是固前欲輸其家半助邊者也。於
是天子謂式長者，欲尊顯之，以風百姓。卜式初不願為
郎，上曰：吾有羊，上林中欲令子牧之，式乃拜郎，布衣屠
而牧，歲餘羊肥息，上過見其羊，善之，式曰：非獨羊也，治
民亦猶是，以時起居，惡者輒斥去，毋令敗羣，上奇之，拜
緱氏令，尋遷成臯令，是時天子方發樓船卒二十餘萬，
擊南越，式上言：臣聞主憂臣辱，南越反，臣願父子與齊
習船者往死之，天子下詔曰：卜式雖躬耕牧，不以爲利，
有餘輒助縣官，今天下不幸，有急而式奮願父子死之，
雖未戰，可謂義形于內，其賜爵關內侯，桑弘羊時方領
大農，置平準，令吏坐市列肆，販物求利，會大旱，上祈雨，
于是卜式上言曰：烹弘羊，天乃雨。

李廣

廣嘗出獵，見草中石，以爲虎也，射之，而中，石沒鏃，還視
之，石也，因復更射之，終不能復入石，所居郡有虎，嘗自
射之，及居右北平，射虎，虎騰傷廣，廣亦竟射殺虎，廣爲
人長，猿臂，其善射，亦天性也，其子孫他人學者，卒莫能
及。

司馬相如

相如，成都人，少好讀書，學擊劍，其親名之曰犬子，因慕
蔣相如之爲人，更名相如，嘗客臨邛，富人卓王孫
女文君新寡，相如以琴心挑之，文君奔相如，相如乃與
馳歸，家居，徒四壁，立卓王孫大怒，不分一錢，文君久之
不樂，相如乃復如臨邛，盡賣其車騎，買一酒舍，酤酒而
令文君當鑪，身自著犢鼻褌，與庸保雜作，滌器市中，王
孫聞而恥之，爲杜門，不出，其昆弟諸公，力勸王孫，不得
已，乃分予文君僮百人，錢百萬，於是相如復歸成都，買
田宅，爲富人，後以子虛賦，干上，爲土通西南夷，拜中郎
將，馳傳之，蜀郡太守以下，郊迎，縣令負弩，先驅，蜀人
榮之，於是臨邛諸公，皆因門下，獻牛酒，爲交，權王孫喟
然嘆，自以得使女，尙相如，晚而厚分其女財，與子男等

史記

三十三

石

漢書

李夫人

武帝時李夫人最寵而早卒疾將革上自臨視之夫人蒙被謝曰妾久病形貌毀壞不可見帝願以兄弟為託上曰夫人病甚殆將不起一見我託兄弟不亦可乎夫人再辭上曰夫人第一見我將加賜千金而予兄弟尊官夫人曰尊官在帝不在一見上復言必見之夫人遂轉嚮歎歎不復言上不悅起夫人姊妹皆讓之夫人曰所以不見帝正以深託兄弟也夫以色事人者色衰而愛弛愛弛則恩絕上見我色非故必畏惡吐棄尚肯追思憫錄兄弟哉及卒上果悼念不已以后禮葬又令齊人少翁以術致其神夜張燈燭設帷帳陳酒肴而土居他帳遙望見好女如夫人貌者婉步帳中又不得就視上愈益相思悲感為作詩云是耶非耶立而望之偏何姍姍其來遲又為作賦其兄弟廣利延年俱賜封爵

汲黯鄭當時

鄭當時始與汲黯並列九卿兩人內行修迫中廢家貧

賓客益落先是下邳程公為廷尉賓客填門及廢門外可設雀羅後復為廷尉容復欲往程公大署其門曰一死一生乃知交情一貧一富乃知交態一貴一賤交情乃見

朱買臣

買臣字翁子家貧嗜書不治產業嘗艾薪樵賣以給食擔束薪且行且歌其妻亦負薪相隨數止買臣毋歌道中買臣歌益疾妻羞之求去買臣笑曰我年五十當富貴今四十餘矣汝姑待我妻志怒曰如公等終餓死耳河富貴買臣不能留聽之去後買臣獨行歌道中故妻與夫俱上塚見買臣饑寒呼飯飯之已而買臣貴為會稽太守乘傳入吳界見其故妻夫治道買臣駐車呼令後車載其夫妻到太守舍置園中給食之居一月妻自經死

東方朔

武帝嘗於伏日詔賜從官肉大官丞日晏不來朔獨拔劍割肉謂同官曰伏日當早歸請受賜即懷肉去已而大官奏之朔免冠謝士曰賜肉不待詔以劍割而去

漢書

三十四

百

之何也且起自責朔再拜曰朔來朔來受賜不待詔何
無禮也拔劍割肉一何壯也割之不多又何廉也歸遺
細君又何仁也上笑曰使若自責乃反自譽復賜酒一
石肉百斤命歸遺細君帝姑館陶公主寡居年五十
餘近幸董偃偃本賣珠兒以姣好得幸入號為董君主
令偃散財交士令府中曰董君所發一日金不滿百斤
錢百萬帛千疋勿白上一日臨主家主道入登階就坐
坐未定上曰願謁主人翁主乃下殿主管珥徒跣頓首
謝無狀有詔謝主主乃起之東廂自引董君董君緣噴
傅鞞隨主前伏殿下因叩頭謝主為之起詔衣冠士偃
乃起就衣冠主自奉食進觴當是時上不名董君稱為
主人翁飲大權樂而朔時方陞戟殿下辟戟前曰董偃
有斬罪三因歷數之王默然董君自是不復振

于定國

于公者定國父也為郡曹決獄平東海有孝婦少寡無
子養姑甚謹姑欲嫁之終不肯姑謂鄰人曰孝婦以我
故守寡我老久累丁壯奈何姑后徑自經死姑女告吏
婦殺我母吏捕孝婦孝婦不服笞掠之誣服具獄士府

于公心知婦冤力爭弗能得乃抱獄具哭於府上因辭
疾去太守竟論殺孝婦郡中枯旱三年後太守至筮其
故于公曰孝婦不當死寃死咎在是乎於是太守殺牛
自祭孝婦塚表其墓天立大雨歲熟郡中以此大重于
公為生立祠于公閭門壞父老方其治之公謂曰幸高
大閭門令容駟馬高蓋我治獄多陰德子孫必有興者
其子定國卒為丞相孫承御史大夫封侯傳世

韓延壽

延壽為東郡時嘗出騎吏一人後至勅功曹議罰其府
門卒忽當車願有言延壽問之卒曰孝經云資于事父
以事君而敬同故母取其愛而君取其敬兼之者父也
今早明府駕出適騎吏父來至府門騎吏見父趨謁道
明府登車以敬父而見罰得毋虧大化延壽舉手曰微
子太守幾不聞過及歸舍召見門卒卒本諸生也聞延
壽賢無因自達故代卒對延壽遂薦拔之

張敞

敞為京兆甚有名然無威儀時罷朝會過走馬章臺街
使御吏驅自以便面拊馬又嘗為婦畫眉長安中傳張

京兆眉嫵上召問敵對曰臣聞閨房之內夫婦之私有過于畫眉者上笑而置之

王尊

尊為安定太守以強幹著遷益州刺史先是邛邪王陽為益州刺史行部至邛邪折阪嘆曰奉先人遺體奈何數乘險尋謝病去及尊至阪問吏曰此非王陽所畏道耶吏對曰然尊叱其馭曰驅之王陽為孝子王尊為忠臣後為東郡太守適河水溢浸匏子金隄隄且壞尊率吏民禱河伯請以身填金隄因止宿隄舍水至不去吏民爭叩頭請尊不許時惟一主簿旁立泣不敢對而水波為之卻迴

陳遵

遵故好客家常率多宴會每大飲賓客滿堂輒關門取客車轄投井中雖有急終不得去有部刺史奏事以便過遵值其方飲刺史大窮突入見遵母叩頭求去母乃令從后閤出遵父遂與宣帝微時有故相隨博奕數負進及即位擢遂太原太守賜璽書曰太原太守官尊祿厚可以償博進矣遂表辭謝曰事在元平元年赦令

前其宥佚如此

王章

章為諸生時獨與妻居疾病無被臥牛衣中與妻訣涕泣其妻呵之曰仲卿今京師尊貴人誰踰仲卿者小困阨不自激昂乃涕泣何鄙也元帝時章歷位京兆欲上封事黜王鳳妻止之曰人當知止獨不念牛衣中涕泣時耶章曰是非女子所知書上忤旨下廷尉論決

張禹

禹代王商為相六年封安昌侯前後賞賜數千萬知音律習淫奢身居大第後堂時理絲竹其所成就弟子尤著者彭宣戴崇宣至大可空崇至九卿宣恭儉有法而崇豈弟多知禹心愛崇陽敬宣而疏之崇每候禹禹延入後堂燕飲婦女相對優人莞絃鏗鏘極樂昏夜乃罷而宣之來也禹則見之便坐為講論經義日宴賜食不過一肉卮酒相對而已未嘗得至後堂然兩人互聞之各自得也

杜欽

杜欽字子夏好詩書而目偏盲時茂陵杜業與欽同姓

漢書

三十六

石

字亦以才著京師人遂謂欽盲杜子夏以相別欽心惡之乃故冠小冠高廣才二寸許由是京師人更謂欽小冠杜子夏而謂業大冠杜子夏

嚴君平

君平蜀人修身自保非其食不食非其服不服但卜筮於成都市謂卜筮賤業而可以惠衆人有邪惡則借筮龜爲正言利害與人子言依於孝與人弟言依於順與人臣言依於忠各因勢導之於善裁日聞數人得百錢足自養卽閉肆下簾而受老子依老子莊周之學著書十萬餘言年九十餘竟以其業終楊雄從之遊學

王莽

莽字巨君元后弟曼子也元成時王氏九侯五大司馬其子弟皆怙勢侈靡而莽獨折節爲恭儉勤身博學被服如儒生外交英俊內事諸父諸母俱曲有禮世父鳳病莽親嘗藥至擊首垢面不解衣帶者累月鳳因託太后及帝拜新都侯莽既貴節操愈謙盡散其輿馬衣裘振施賓客交結權近爲延譽譽遂傾其諸父尤好爲激發之行莽兄早死有子光莽令與已子宇同學光年小

於宗莽爲同日内婦嘗私買侍婢昆弟或頗聞知莽輒曰后將軍朱子元無子莽聞此兒種宜子爲之卽日以婢奉子元其匿情求名多類此莽既篡盜賊蜂起匈奴寇邊乃博募有奇技術可攻匈奴者將待以不次之位於是言便宜者以萬數或言能渡水不用舟楫連馬接騎濟百萬師或言不持斗糧服食藥物三軍不餓或言能飛一日千里以窺匈奴莽輒試能飛者取大鳥翮爲兩翼頭與身皆著毛通引環紐飛數百步墮莽知不可用然欲獲其名皆拜爲理軍賜車馬待發時連率韓博士上言有奇士長丈大十圍來至臣府欲奮擊胡虜自謂巨無霸輜車不能載三馬不能勝臣卽日以大車四馬建虎旗載霸詣闕霸臥則枕鼓食則鐵箸此皇天所以輔新室也願陛下作大甲高車賁育之衣遣大將一人與虎賁百人迎之於道京師門戶不容者開高大之用以視百蠻鎮天下莽字巨心惡之乃更其姓曰巨母氏謂因文母太后而致霸王也莽侈口蹙頰露眼赤睛大聲而嘶長七尺五寸好厚履高冠以釐裝衣反膺高視瞰臨左右是時有用方技待詔黃門者或

漢書

三十七

石

問以莽形狀待詔曰莽所謂鳴日虎吻豺狼之聲者也
能食人亦當爲人所食聞者告之莽誅滅待詔而封告
者自後嘗翳雲母屏面非親近莫得見

楊雄

雄於書無所不博覽爲人簡易佚蕩口吃不能劇談默
而好深湛之思心慕司馬相如每作賦輒擬之又怪屈
原文過相如至不容作離騷自投江死悲其文讀之未
嘗不流涕以爲君子不得時則龍蛇何必湛身乃作書
往往披離騷文而反之自岷山投諸江流以弔屈原名
曰反離騷又旁離騷作重一篇名曰廣騷又旁惜誦以
下至懷沙一卷名曰畔牢愁其他太玄法言諸著作甚
富當時人皆習之獨桓譚以爲絕倫劉歆敬焉然歆嘗
讀之謂雄曰空自苦今人尙不能明易又如玄何吾恐
後人用覆醬瓿也雄笑而不應王莽旣以符命自立
欲絕其原以神前事而劉歆子棻復獻之莽怒投棻四
裔詞連及雄雄方校書天祿閣治獄使者來收雄雄乃
從閣上自投下幾死請其故則棻嘗從雄學作奇字也
有詔勿問京師語曰惟寂寞自投閣爰清靜作符命

後漢書

馮異

異字公孫自歸光武特見親任王郎起帝自薊東南馳
晨夜草舍至饒陽蕪蕪亭會天寒烈土眾饑疲異上豆
粥明且帝謂諸將曰昨得公孫豆粥饑寒俱解已至南
宮遇大風雨帝引車入道旁空舍異抱薪鄧禹爇火帝
對竈燎衣異復進麥飯免肩因渡滹沱河後天下旣定
位大將爵通侯朝見京師帝遣中黃門賜珍寶金帛甚
盛詔曰倉卒蕪蕪亭豆粥滹沱河麥飯厚意久不報異
頓首謝異謙慎不伐每諸將論功異輒獨屏樹下軍中
號曰大樹將軍

鄧禹

禹年十三遊學京師時光武亦遊學京師禹雖年少而
能識帝非常人遂相親附更始兵起豪傑多薦禹禹不
肯往及聞帝安集河北乃杖策北渡追及鄴帝見之甚
懽遂令常宿止中與大計天下旣定封高密侯禹意欲
遠名勢有子十三人使各古一藝

漢書

三十八

石

祭遵

建武初涿郡太守張豐舉兵反遵討平之豐初好方術有道士言豐當為天子以五絲囊裹石繫豐肘云石中有玉璽豐信之遂反及既執當斬猶曰肘石有玉璽遵為椎破之豐始知被詐仰嘆曰當死無恨先是中山賊張滿亦以讖當王屯結險隘為害遵亦生擒之既破嘆曰讖文誤我

鄧晨

晨光武姊夫也莽末晨嘗與帝俱之苑燕語穰人蔡少公家少公頗學圖讖言劉秀當作天子或曰是國師公劉秀耶帝戲曰何用知非僕坐者大笑晨獨心喜已帝即位晨數讖見說生平甚懼因從容謂帝曰何知非僕僕乃竟辨此帝大笑

陰識

宣帝時陰子方者至孝有仁恩臘月晨炊而竈神形見子方再拜受慶家有黃羊因以祀之自是暴富子方嘗言我子孫必有興者至識三世遂繁昌於是後世相傳以臘日祀竈而薦黃羊自子方始

宋弘

湖陽公主新寡光武與之其論朝臣微觀其意主曰宋弘威容德器羣臣莫及帝曰方且圖之等召弘謂曰諺云貴易交富易妻人情乎弘對曰臣聞貧賤之交不可忘糟糠之妻不下堂帝顧謂主曰事不諧矣

宋均

均為九江太守郡多虎暴前吏募設檻穽而害愈滋均到下記屬縣曰江淮之有猛獸猶北土之有雞豚也虎為民害咎在殘吏勤勞張捕非優恤之本其務退貪殘進忠善悉去檻穽除刑課制未幾虎相與東去渡江中元中楚沛多蝗其飛至九江界者輒東西散云

明德皇后

明德皇后伏波將軍馬援小女身長七尺二寸方口美髮能誦易好讀春秋楚辭尤善周官董仲舒書常衣大練裙不加緣朔望諸姬主朝請望見后衣疏粗反以為綺穀就視乃笑后辭曰此繒特宜染色故用之耳明帝幸濯龍園諸才人已下皆在側諸呼皇后帝笑曰是家志不好樂雖來無懽及帝崩章帝即位尊為皇太后建

初元年欲封爵諸舅太后不聽明年大旱言事者以為
不封外戚故太后固不許帝復重請太后報曰夫至孝
之行安親為上今數遭災異穀價數倍憂惶晝夜不安
坐臥而欲先營外封違慈母之拳拳乎吾素剛急有胸
中氣不可不順也若陰陽調和邊境清靜然後行予之
志吾但當含飴弄孫不能復關政矣乃置織室蠶於濯
龍中數往觀視以為娛樂常與帝旦夕言道政事及教
授諸小王論語述敘平生雅和終日四年寢疾不信巫
祝卜醫數勅絕禱祀至六月崩合葬顯節陵

班彪

彪字叔皮才高而好述作專精史籍作後傳數十篇斟酌前史而譏正其得失有二子一女長子固續述父志撰漢書百卷次子超奉使西域以三十六人定五十餘國女昭為曹壽妻號曹大家尤工典籍召入後宮后妃公主咸祇師訓所著列女傳諸書永作閨範蓋彪一門文擅千秋武雄絕域男作奇男子女為女丈夫真曠代無兩云

鍾離意

意為魯相發私錢修孔廟見孔子教授堂下狀首有懸
甕問孔訴云此何甕對曰夫子甕也昔有丹書人莫敢
發意曰聖人意欲以懸示後人耳發之得素書云修吾
書董仲舒護吾車拭吾履發吾笥會稽鍾離意

范式

式字巨卿少遊太學與汝南張劭友甚暱劭字元伯適
歸里式謂元伯曰後二年當遠將過拜尊親見孺子為
其尅期日已而期至元伯白母請具膳母曰二年之別
千里結言爾何信之審劭曰巨卿信士必不食諾其日
果至升堂拜母劇飲懽別劭後疾將革同郡郗君章
殷子徵晨夜省視之劭嘆曰恨不見我死友子徵曰我
二人非死友耶劭曰二子吾生友山陽范巨卿即我死
友也每卒式時仕為郡功曹夕忽夢元伯元冕垂纓屣
履而呼曰巨卿我以某日死當以某日墓子未我忘豈
能相及式寤恍然悲淒泣下即日辭太守服朋友服投
其墓日馳往時未及到而劭葬已發引既至壙將窆柩
忽不進其母撫之曰元伯豈有望耶為停移時見有素
車白馬號哭來者母望之曰是必范巨卿也巨卿至叩

漢書

四十

石

極言曰行矣元伯死生異路永從此辭時會葬者千人蓋揮涕式執紼引柩柩乃前式至冢次爲手植樹而後去

李善

善李元家蒼頭元家屬以疾疫相繼死惟孤兒續始生數旬元家貧巨萬羣婢利其財將謀殺續善力不能制潛負續逃隱瑕邱界中親自哺養乳爲生連續年十歲乃攜歸訟之縣盡理舊業還之悉罪諸謀續者時鍾離意上其狀累遷日南太守之官道經李元冢未至一里卽更服至則親持鋤去草拜掃成禮哭泣甚悲曰君夫人善在此徘徊數日而去

王喬

王喬爲葉令每月朔望常自縣詣臺朝帝怪其來數而不見車騎令太史伺之言喬來他無有惟雙鳥從東南飛至於是候鳥至舉羅張之但得一雙鳥詔上方診視則四年中所賜尙書官屬履也每當朝日葉門下鼓不擊自鳴行於京師其後天忽下一王棺喬曰天帝召我遂沐浴更服寢其中墓於城東土自起成墳其夕縣中

牛皆流汗喘乏而人無知者帝後取其鼓置都亭下寂無聲或曰卽古仙人王子喬也

費長房

長房汝南人曾爲市掾市中有老翁賣藥獨懸一壺市罷輒跳入壺中市人莫見惟長房見之異焉因往拜翁知長房意謂曰子明日更來長房如期往翁乃與俱入壺中惟見玉堂嚴麗旨酒甘味盈其中其飲畢而出長房遂欲從之求道顧家人爲憂翁乃斷一青竹與長房身齊使懸之舍家人見之乃長房身也以爲縊死驚號殯之長房時立其旁而莫之見於是遂隨翁入深山已而長房辭歸翁與一竹杖曰騎此任所之自至矣既至其投杖葛陂中又授一符曰以主地上鬼神長房遂乘杖歸未幾至自謂去家若旬日而已十年餘矣投杖陂中顧之龍也家人謂已死不信長房曰往所葬乃竹杖耳發冢視之果竹杖自是遂能鞭笞百鬼驅使社公嘗獨坐恚怒人問之曰吾責鬼魅之犯法者又嘗飯客而市鮮於宛須臾立辦一日間人常見其在于里外云

姜詩妻

漢書

四一

石

詩事母至孝妻盛氏事姑尤嚴姑好飲江水去舍六七里妻嘗泝流而汲一日值風不時還母渴怒詩即遣妻盛寄止鄰舍晝夜紡績市珍羞使鄰母以意自遺其姑如是者凡之姑怪問鄰母鄰母具對姑感乃召還其子以遠汲溺死盛恐姑哀默不洩託言遊學姑嗜魚又不

能獨食夫婦力作以給呼鄰母其之其後舍側忽湧泉味如江水每旦輒出雙鯉足供膳赤眉賊每過詩里必相戒勿驚大孝明帝時徵拜江陽令

羊子嘗於行路拾道金一餅還以語妻妻曰志士不飲盜泉廉士不食嗟來况拾遺金乎羊子大慚即捐之野羊子遊學一年而歸妻問故羊子曰久客懷思耳妻乃引刀趨機而言曰此織自一絲而累寸寸而累丈又而累疋今若斷斯機也前功盡捐矣學廢半途何以異是羊子感其言七年不返妻事姑孝有盜欲犯之先劫其姑妻急操刀出盜曰釋女刀從我者姑全不則殺女姑妻乃仰天嘆舉刀自剄以全姑太守奇之號曰貞義

鄧訓

訓高之子章和中嘗為護羌校尉一以恩信招懷遠人遠人皆稽顙歸命羌俗恥病死每病困輒以刀自刺訓令病困者務拘持束縛不與兵刃醫藥療之活者甚眾訓以病卒官羌人曰數干旦夕臨羌俗父母死恥悲泣皆騎馬歌呼及聞訓卒莫不號咷或以刀自割又刺殺其牛羊犬馬曰鄧使君死我曹何用生焉肖像尸祝每病輒請禱焉

梁鴻

鴻字伯鸞家貧尚節介鄉里高其誼多欲妻之鴻並不許同縣孟氏有女狀肥醜而黑力舉石臼擇對不嫁至年三十父母問之曰欲得賢如梁伯鸞者鴻聞而聘之女來作布衣麻履織作筐績之具及嫁始以裝飾八門七日而鴻不答妻乃跪牀下請曰竊聞夫子高義簡斥數婦妾亦偃蹇數夫矣今見擇敢不請罪鴻曰吾欲得人可與俱隱者耳衣綺縞傅粉墨豈鴻願哉妻曰以詩君耳妾自有隱服乃更為椎髻著布衣操作而前鴻大喜曰此真梁鴻妻也字之曰德曜名孟光遂其入霸陵山耕織自食詠詩彈琴以自娛肅宗聞而求之鴻乃易

漢書

四二

石

姓運期名耀字侯光攜妻子居齊魯間已復之吳依大
家臯伯通居廡下為人質春每歸妻為具食不敢於鴻
前仰視舉案齊眉伯通異之乃舍之家鳩潛閉門著書
十餘篇已而病困告主人曰昔延陵季子葬於廡博之
間慎勿令我子持喪歸也及卒伯通葬之吳要離家旁
謂其清誼相匹云

蔡倫

倫字敬仲和帝時為中常侍有文學能犯嚴顏匡得夫
每休沐輒閉門謝客尤有巧思監作祕劍及諸器物皆
可為世法自古書契多編於竹簡其用縑帛者謂之為
紙縑貴而簡重並不便於人倫獨出已意用樹膚麻頭
及敝布魚網以製為紙奏上之帝善其能自是莫不從
用焉天下咸稱為蔡侯紙

楊震

震父寶年九歲時偶行華陰山北見一黃雀為鷓鴣所
搏墜於樹下螻蟻困之寶取歸置巾幘中啖以黃花百
餘日毛羽成縱使飛去其夜夢一黃衣童子向寶再拜
曰我西王母使者感君愛護特獻白環四枚合君子孫

潔白位登三事當如此環自震後累世以清白貴顯

蘇章

章為冀州刺史有故人為清河太守多姦贓章行部至
將案之乃請太守為設酒肴敘生平甚懽太守喜曰人
皆有一日吾獨有二天章曰今夕蘇文儒與故人飲私
恩也明日冀州刺史案事公法也徑正其罪郡吏肅清

吳雄

雄家貧喪母營葬於人所棄地喪事趣辦不問時日有
言當族滅者雄亦不顧然自雄始三世為廷尉

周舉

太原舊俗以介子推焚骸有龍忌之禁每至冬中咸言
神靈不樂舉火士民輒一月寒食老幼不堪歲多死者
舉為并州刺史乃作書弔子推言盛冬去火殘傷民命
非賢者意於以宣示愚民民遂溫食舊俗頓革

良賀

陽嘉中詔舉武猛時推薦者紛然而黃門丞良賀獨無
所薦帝問其故賀對曰臣生自草莽長於宮掖既無知
人之明又未嘗交加士類昔衛鞅因景監以見有識知

莫書

四三

石

其不終恐得臣舉者匪榮伊辱故不敢也時宦寺勢傾中外惟賀清恬退厚遂爲空谷足音

曹娥

孝女曹娥上虞人也其父爲巫祝漢安二年五月五日於江中湖溽迎婆娑神溺死不得尸娥時年十四沿江號哭晝夜不絕聲旬有七日遂投江死未幾抱父尸浮江上縣長度向奇之葬之江南道旁其弟子邯鄲淳爲之碑蔡邕過而讀之題曰黃絹幼婦外孫齋曰

李燮

李固既忤梁冀被誅幼子燮年才十三固女文姬時爲同郡趙伯英妻賢而有智知父遭慘默然獨悲曰李氏滅矣俄二兄被逮如疾攜燮告父門生王成曰君執誼先公有古人之節今委君以六尺孤李氏存滅惟君矣成卽將燮東下入徐州界合燮姓名爲酒家傭而成賣卜於市陽各異業陰相往來酒家意其非庸人以女妻燮後梁冀誅詔赦忠臣後燮乃以本末告酒家還鄉時姊弟相見悲感旁人未幾王成卒燮治喪葬追思舊恩每四節爲祠以上賓之禮

梁冀

冀字伯車鳶肩豺目洞睛儻盼口吟舌言性嗜酒能挽滿彈棊格五六博蹴踘意錢諸戲又好臂鷹走狗騁馬關雞妻孫壽色美而性甜忌能制馭冀甚憚之冀愛監奴秦宮官太倉令得出入壽府壽見宮輒屏御者託與言事因私焉宮兼內外寵威權震赫刺史二千石無不趨謁者扶風人孫奮富而慳冀故遺之馬乘從貨錢五千萬奮以三千萬與之冀大怒告之郡縣認奮母爲壽守藏婢云盜白珠十斛紫金千斤遂收拷奮奮兄弟俱死獄悉沒其貨至億七千餘萬是時四方貢獻者必先輸冀次進乘輿冀大起第舍而壽亦對街爲宅俱殫極土木相誇耀冀一門前后七侯三皇后六貴人二大將軍夫人女食邑稱君者七人尙公主三人其餘卿將尹校五十七人在位二十餘年威行天下百僚側目其敗也帝獨與單超等五人謀之急發虎賁羽林士三千人圍其第冀夫婦卽日自殺宗戚無少長皆棄市當是時事從中發冀知其故使者星馳電爍公卿失其常度官府市里若鼎沸然數日乃定

五行

元嘉中京都婦女作愁眉啼粧墮馬髻折腰步齟齬笑
愁眉者細而曲折啼粧薄拭目下若啼處也墮馬髻作
一邊折腰步足不在體下齟齬笑若齒痛樂不欣欣也
始自梁冀家京都翕然四方皆效之此服妖也熹平
中省內狗冠帶綬以為笑樂有一狗突出走入司徒府
門見者莫不驚怪蓋司徒古之丞相宰相非人在位者
皆如狗故走入其門

馬融

融才高博洽學徒從之遊者千數涿郡盧植北海鄭立
皆其門下士善鼓琴好吹笛達生任性不拘儒者之節
居服侈飾嘗坐高堂施絳紗帳前授生徒後列女樂弟
子以次相傳鮮有入其室者

朱穆

穆嘗為冀州刺史冀部令長解印綬去者四十許人時
宦寺驕橫中侍趙忠喪父歸葬僭為璠與玉匣偶人穆
聞下郡案驗至發墓剖棺陳尸出之帝聞大怒徵穆詣
廷尉太學生劉陶等數千人上書訟冤謂穆張理天綱

補綴漏目同勤禹稷而被其解之罰是使唐帝怒於崇
山重華忿於蒼墓也帝得書赦之

鄭立

立家貧耕東萊學徒從者百千黨事起遂杜門不出孔
融深敬之屣履造門告高密令為立特立一鄉曰昔齊
置士鄉越有君子軍昔人又稱太史公廷尉吳公謁者
僕射鄧公又商山四皓有東園公夏黃公然則公者仁
德之正號不必三事大夫也其以鄭君鄉為鄭公鄉又
合廣門衢使可容高蓋號通德門時黃巾賊數萬皆相
約不許入其境

蔡邕

邕字伯喈性篤孝母有滯病邕侍左右不解襟帶三年
不寢寐者十旬母卒廬墓側至野兔馴擾其旁又木生
連理邕奉詔刊定仍自書之碑刻石太學門外邕嘗
訛謬邕奉詔刊定仍自書之碑刻石太學門外邕嘗
得罪王智智中常侍王甫弟也亡命江海積十二年
吳吳人有燒桐以爨者邕聞火烈聲知其木良請裁為
琴果有美音而尾焦時人名曰焦尾琴又嘗告吳人曰

漢書

四十五

石

吾昔經會稽高遷亭見屋椽竹東間第十六可以為笛
取用果有異音其在陳留有鄰人以酒食召比往而主
已酣客有彈琴於屏者邕及門潛聽之曰嘻以樂召我
而有殺心何也遂反主人覺遽自追問故邕具以告眾
怪之彈琴者曰我向鼓絃見螳螂方向鳴蟬蟬將去而
未飛螳螂為之一前一卻吾心聳然惟恐螳螂之失之
也斯其為殺心乎邕莞爾笑曰此足當之矣董卓慕
邕名常辟之邕稱疾不往卓大怒曰吾能族邕不得已
應之卓甚重邕三日間周歷三臺邕於卓多所規諷卓
好自用而於邕頗委聽末幾卓誅邕在王允坐殊不意
言之而歎允輒勃然作色并收邕付廷尉士大夫力爭
不能得邕遂死獄

唐姬

董卓之廢少帝為弘農王也置王閣上使郎中令李儒
進酖曰服此可以辟惡王曰吾無疾是欲殺我耳不肯
飲儒強之王不得已乃與唐姬飲為別酒行王悲歌曰
天道易兮我何艱乘萬乘兮退守藩逆臣見迫兮命不
延逝將去女兮適幽玄因令姬起舞姬抗袖而歌曰皇

天崩兮后土頽身為帝兮命天摧死生路異兮從此乖
奈我笑獨兮中心哀因泣下嗚咽侍者皆歔欷王謂姬
曰卿王者妃勢不復辱吏民幸自愛從此長辭遂飲藥
死姬歸其父家獻帝為迎置園中拜弘農王妃

蓋勳

勳為漢陽長史時武威太守倚權恣橫從事蘇正和案
致其罪刺史梁鵠謀欲殺正和訪之勳勳素與正和有
讐或勸勳可因此報勳曰乘人之危非仁乃諫鵠寢其
事正和喜得免請勳謝勳不與見謂曰吾時為梁使君
謀不為蘇正和也怨之如初董卓威權震世公卿莫
敢抗禮勳獨長揖之嘗與卓書曰伊霍權以立功猶為
口實足下小醜何以終此賀者在門弔者在廬可不慎
哉卓甚恨之卓嘗與朱雋論兵事卓折雋曰我百戰百
勝決之於心卿勿妄說且汗我刀勳直前曰武丁之明
猶求箴諫况如卿者而欲杜人之口卓笑曰戲之耳勳
曰不聞怒言可以為戲卓改容謝

董卓

卓為呂布所殺陳尸於市天時始熱卓素充肥脂流地

漢書

四十六

石

守尸吏然火置卓臍中光明達曙後李催郭汜改葬卓
墓日暴風雨迅雷震烈流水入藏漂其棺納之復出如
是者三四

孔融

融字文舉為北海太守好獎掖後進賓客日盈其門每
歎曰坐上客常滿尊中酒不空吾無恨矣素與蔡邕善
邕卒有虎賁士貌類邕酒酣輒引與同坐曰雖無老成
人尚有典刑後與曹操忤枉狀奏融詔棄市

呂布

曹操自將擊布於下邳陳宮謂布曰曹公遠來勢不能
久將軍善戰以步騎出屯於外而宮將餘眾堅守於內
操向將軍宮引兵攻其背若但攻城則將軍救於外不
過旬月操軍食盡擊之可破也布然之而惑於妻言不
果用尋見執操謂宮曰公臺平日自謂知有餘今竟
何如宮指布曰是子不用吾言以至此吾言用未可量
也操曰奈卿老母何宮曰老母在公不在宮也夫以孝
理天下者不絕人之親操又曰奈妻子何宮曰霸王之
主不絕人之祀固請就刑徑出不顧操涕泣而斬之

初操之擊布也決沂泗水以灌其城布援絕與麾下登
白門樓兵圍之急台左右取其首詣操左右不忍布乃
降布見操曰今日已往天下定矣操曰何故布曰明公
所患不過於布今布服矣台布將騎明公將步天下不
足定也時劉備在坐布顧謂曰玄德卿為坐上客我為
降虜繩縛我急獨不可一言耶操笑曰縛虎不得不急
乃命緩布備曰不可明公不見布之於丁建陽董太師
乎操頷之布目備曰大耳兒最叵信猶記轅門射戟時
否遂被殺

左慈

慈嘗在曹操坐當宴客操曰今日珍羞略備獨少松江
鱸耳慈曰可得因求銅盤貯水以竿餌釣盤中須臾引
一鱸出一坐皆驚操大笑曰一魚不能周坐客可更得
乎乃更沈餌連引出皆長三尺許操又謂曰喜得魚恨
無蜀中生薑慈曰易致也操恐其近取即曰吾前遣人
到蜀買錦便勅使者增市二端少頃得薑并獲操使報
命及操使蜀反驗問增錦之狀其時日早晚若符契也
後忤操欲收殺之慈乃卻入壁中霍然不知所在有

漢書

四十七

石

見於市者捕之市人皆變形與慈同莫知誰是

禰衡

衡以高才傲世建安初來遊許下始達穎川陰懷一刺
至刺字漫滅卒無所之孔融薦於曹操操欲見之而衡
心鄙操屢稱狂病不肯往操懷忿以其才名不欲殺之
間衡善擊鼓故召為鼓史因大會客問試音節諸史過
者皆合脫故衣更著岑牟單絞之服次至衡衡乃為漁
陽參搥蹀躞而前容態特異聲節悲壯直進操前而止
吏訶之曰鼓史何不裝束衡曰諾於是先解袒衣次釋
餘服裸身而立徐取岑牟單絞著之畢復參搥而去顏
色不怍操笑曰本欲辱衡衡反辱我遂送衡於劉表表
不能容送之黃祖祖竟殺之

蔡文姬

文姬名琰邕女博學有才辨尤精音律與平中天下喪
亂為胡騎所獲曹操故與邕善痛其無嗣特遣使以金
璧贖歸作悲憤詩二章詞情悽惋至今傳誦姬先適陳
留董祀沒於南匈奴左賢王居十二年生二子操贖歸
仍嫁祀

史漢外國

匈奴

單于頭曼有太子名冒頓後所愛闕氏生小子因欲易
太子冒頓乃作為鳴鏑習勒騎射令曰鳴鏑所射而不
悉射者斬行獵鳥獸有不射鳴鏑所射者斬已冒頓以
鳴鏑自射其善馬左右或不射立斬之頃之復以鳴鏑
自射其愛妻左右或頗恐亦復立斬之於是冒頓知左
右皆可用乃從其父頭曼獵以鳴鏑射頭曼左右亦隨
射遂殺頭曼而自立是時東胡強聞冒頓殺父自立
乃使使謂冒頓欲得頭曼時千里馬冒頓問左右左右
曰此匈奴寶馬勿與與冒頓曰奈何與人鄰國而愛一馬
乎與之東胡復以冒頓畏已頃之使使謂冒頓欲得單于
一關氏冒頓復問左右左右怒請兵之冒頓曰奈何與
人鄰國而愛一女子乎取所愛關氏與之東胡王益驕
時匈奴與胡間中有棄地千餘里莫居名為騫脫東胡
乃使使謂曰騫脫外棄地匈奴非能至也吾欲有之冒
頓以問左右左右或言子或言不子於是冒頓大怒曰

地者國之本也奈何言子引諸言子者盡斬之遂上馬
 令國中曰后者斬遂襲擊東胡東胡不為備尋破滅
 文帝時冒頓死子稽弼立號老上單于帝時遣宗室公
 主為單于闕氏而使宦者中行說傳公主說本不欲行
 強之行說曰必我行為漢患者說既至遂降單于單
 于委任之初單于好漢繒絮食物中行說曰匈奴人眾
 不能當漢一郡所以強者徒以衣食異物無仰於漢也
 今單于變俗好漢物漢物不過什二則匈奴盡歸於漢
 矣於是得漢繒絮以馳草棘中衣袴皆裂敝以示不如
 旃裘之完善也得漢食物皆去之以示不如醢酪之便
 美也又教其左右疏記以課其人眾畜物漢遣單于書
 牘以尺一寸詞曰皇帝敬問大單于無恙說合單于遣
 漢書以尺二寸牘詞曰天地所生日月所置匈奴大單
 于敬問漢皇帝無恙蓋終文帝世多虜患皆說教之也

西南夷

南夷君長以十數夜郎最大其西靡莫之屬以十數滇
 最大自滇以北君長以十數邛都最大此皆懸結其外
 西自桐師以東北至樸榆名為犍昆明皆編髮自雋以

東北君長以十數徙笮都最大自笮以東北君長以十
 數冉駹最大在蜀之西自冉駹以東北君長以十數白
 馬最大皆氏類也

大宛

張騫之使月氏也道經匈奴匈奴單于留之凡十餘歲
 與妻有子然騫能持漢節不失後與其屬亡西走數十
 日至大宛遂因大宛傳致康居因康居至大月氏又因
 月氏至大夏初匈奴破月氏斬其王頭為飲器漢以月
 氏仇匈奴故遣使結好與其擊匈奴而月氏頗無意報
 仇騫以是留歲餘不得其要領尋歸復為匈奴所得會
 匈奴國內亂騫乃與胡妻俱亡歸始騫行從者百餘人
 去十三歲而歸存止二人耳大宛左右以蒲萄為酒
 富人藏酒至萬餘石久者數十歲不敗俗嗜酒馬嗜苜
 蓿漢使取其實來於是天子始種苜蓿蒲萄肥饒地離
 宮別觀頗極望焉多善馬馬汗血言其先天马子也貴
 女子女子所言丈夫乃決正其地皆絲漆不知鑄鐵器
 漢亡卒教鑄焉得漢黃白金輒用為器不為幣安息
 在大月氏西地方數千里小大數百城商賈用車船頗

外國

類中國其用以銀為錢錢如其王面王死輒更錢如新王面以上史記

龜茲

龜茲王與夫人來朝留一年樂漢衣服制度歸國大治宮室作徹道周衛出入傳呼撞鐘鼓一如漢儀外國胡人曰驢非驢馬非馬石龜茲王所謂羸也前漢書

西域

按西域內屬諸國東西六千餘里南北千餘里東極玉門陽關西至蔥嶺其東北與匈奴烏孫接南北有大山中央有河其南山東出金城與漢南山屬焉河有兩源一出蔥嶺東流一出于闐南山下北流與蔥嶺河合東注蒲昌海海一名鹽澤去玉門三百餘里自敦煌西出玉門陽關涉鄯善北通伊吾千餘里此西域之門戶也漢戊巳校尉屯其地以下後漢書

夫餘

夫餘國在玄菟北千里北有弱水其域最平敞員柵為城以六畜紀官官有牛加馬加狗加諸號飲食用俎豆亦知揖讓行人無晝夜歌吟不絕其王葬用玉匣漢嘗

頂以玉匣付玄菟郡王死則迎取去土出名馬赤玉貂納大珠如酸棗

挹婁

挹婁占肅慎國在扶餘東北千餘里土出赤玉名貂有邑落無君長各有大人處於山林之間民人穴居以深為貴大家至接九梯冬以豕膏塗體厚數分以禦寒夏則袒裸以尺布蔽前後其人頗不好潔善射弓長四尺矢用楛長一尺八寸青石為簇中人即死漢興後屬夫餘

高句驪

高句驪在遼東之東夫餘之南朝鮮之北其言語法則畧與夫餘同而跪拜曳一腳其人潔淨自喜而俗淫暮夜輒男女羣聚為倡樂其公會衣服皆錦繡金銀以自飾其婚姻皆就婦家生子長大然後將還便營送終之具又別有句驪國

東沃沮

東沃沮在高句驪東東濱大海其俗葬法用大木槨長十餘丈開一頭為戶人新死先葬之別所俟皮肉盡乃

漢書

五十

石

外國

取骨置柳中家人皆其一柳刻木如主隨死者之數其耆老言嘗於海中得一布衣衣形不過中人而袖長三丈又於岸際見一人乘破船頂中復有面又云海中有女國國中無男人有神井女子關之輒生子

歲

濊國在高句驪沃沮南長韓北東窮大海西至樂浪木皆朝鮮地武王封箕子於朝鮮箕子教以禮義田蠶又制八條之教其人終不相盜門戶不閉婦人貞信飲食以俎豆其後四十餘世至朝鮮侯準始自稱王漢初大亂燕趙人數萬口逃難入其地燕人衛滿乃擊破準而自王朝鮮元朔元年歲君南閭始內屬其俗人死輒棄舊宅更造新居土出錦布多文豹有果下馬海出班魚

三韓

三韓一曰馬韓二曰辰韓三曰弁辰馬韓在樂浪南倭北有五十四國辰韓在其東有十二國與濊接弁辰在辰韓之南亦十有二國南亦與倭接凡七十八國伯濟國其一也馬韓最大土出大栗如梨有長尾雞尾長五尺以上作室形如塚開戶在上不知跪拜不貴金寶錦

綺不知騎乘牛馬惟重嬰珠以綴衣及懸之頸垂之耳其壯勇有力者輒以繩貫脊皮縋以大木嚙呼為健辰韓或名秦韓耆老言其先為秦之亡人避苦役者居此各國為邦弓為弧賊為寇行酒為行觴相呼為徒有似秦語故各國以鐵為貨兒初生欲其頭扁皆押之以石弁辰俗與辰韓同以近倭故多文身者

倭

倭在三韓東南大海中凡百餘國自武帝滅朝鮮通於漢者三十許國國皆稱王其大倭王居邪馬臺國去樂浪萬二千里大約在會稽海東與珠崖儋耳近七出白珠青玉山有丹土無牛馬羊鵠無虎豹矢以骨為箭男子黥面文身以其文左右大小別尊卑之次其男衣皆橫心結束相連女人披髮屈紒衣如單被貫頭而著之並丹朱粉身如中國之用粉也飲食以手皆徒跣以踞踞為恭敬人性嗜酒多壽壽百歲餘者甚眾國多女子大人皆有四五妻其餘亦不減二三女不淫不妬渡海則推一人名口持衰令不櫛沐不食肉不近婦人行吉則賚金帛遭患即殺之建武中遣使朝貢使人自稱大

漢書

五十一

石

外國

夫桓靈間倭國大亂歷年無主有一女子名卑彌呼年長不嫁能以妖術惑眾遂立為王侍婢千人少有見者唯一男子給飲食傳教命自女王國南四千里有侏儒國人長三四尺自侏儒東南行一年至裸國黑齒國驛使所傳極於此

南蠻

南蠻即今長沙武以蠻也其君長有印綬冠獺皮冠各渠帥口精夫相呼為婁徒其俗男女同川而浴其西則有噉人國生首子輒解而食之以為宜弟味旨則以遺其君君喜而賞其父娶妻美則以讓其兄大約秦所置南海桂林象郡漢之南粵九真皆其地

板楯蠻

板楯蠻者南蠻中一種秦昭襄王時有一白虎嘗從羣虎數遊秦蜀巴漢之境傷殺千餘人昭王募能殺虎者邑萬家金百鎰時有巴郡閬中夷人能作白竹之弩為登樓射殺白虎昭王嘉之而以其夷人不欲加封乃刻石盟要頃田不租十妻不算盟曰秦犯夷輸黃龍一雙夷犯秦輸清酒一鍾夷人安之至漢高祖既定秦盡復

其賦役閬中有渝水其人多居水左右喜歌舞高祖嘗觀之曰此武王伐紂之歌也命樂人習之是為巴渝舞

夜郎

夜郎有女子浣於遼水有三節大竹流入足間中有號聲剖之得一男兒歸養之長有武才自立為夜郎侯以竹為姓元鼎六年置牂柯郡夜郎侯迎降天子賜印綬尋見殺夷獠咸以竹王非血氣所生甚神之求為立後太守以聞天子乃封其子為侯死配食其父今夜郎縣有竹王三郎神是也其地最貧有枕根木可以為麪百姓資之桓帝時郡人尹珍者自以荒裔不知學問入從汝南許慎應奉受經書圖緯學成還鄉教授於是南域始有學

滇

滇王者莊躡後也元封二年武帝平其地為益州郡後數年復并昆明地悉以屬之郡有池周圍二百餘里水源深廣而未更淺狹有似倒流故謂之滇池土平敞多出鸚鵡孔雀有魚鹽金銀畜產之富俗尚豪俠官其地者皆富及累世肅宗時有神馬四匹出滇池

哀牢

哀牢國建武中其王賢栗遣兵乘薄船南下江漢擊鹿
芟鹿芟弱為所獲天忽震雷颶風狂雨水為逆流翻涌
二百餘里薄船皆沒哀牢之眾溺死無數賢栗怒復遣
其六王將萬人合攻鹿芟與戰盡殺其六王哀牢人埋
六王虎復出其尸食之於是眾驚懼引去賢栗惶恐謂
其國人口吾曹人邊塞自古有之今攻鹿芟而被天誅
中國其有聖主乎遂求內附光武封之土沃美其產有
罽毼帛疊蘭干細布織成文章如綾錦又有梧桐華織
以為布幅廣五尺純白不受垢其竹節相去一丈名曰
濮竹又有光珠琥珀水精琉璃刺蟲蚌珠孔雀翡翠猩
猩之屬雲南縣又有神鹿二能食毒草

印都

印都夷武帝所開置印都縣未幾而地忽陷為汗澤因
名印池南人以為印河又改名越嵩郡相傳其國有禺
同山山有碧雞金馬光景時時出見又有祚都夷亦武
帝所開其俗言語多好譬喻土出長年神藥仙人山圖
居焉山圖仙人名

冉驪

冉驪夷亦武帝所開土氣多寒盛夏冰猶不釋夷人冬
則避寒入蜀為傭夏則反其邑累石為室高者至十餘
丈有旄牛無角一名童牛肉重千斤毛可為毳田名馬
靈羊又有食藥鹿鹿麋有胎者其腸中糞可療毒又有
五角羊麝香輕毛毼雜猩猩又其地有鹽土煮土為鹽
饔羊牛馬食之皆肥

西羌

西羌出自三苗姜姓之後羌有無弋爰劍者秦厲公時
會執為奴隸後亡歸秦人追之急藏巖穴中秦人焚之
有景象如虎者為之蔽火得免諸羌見爰劍被焚不死
怪以為神遂共推為豪羌人謂奴為無弋以爰劍嘗為
奴隸故名之無弋爰劍之曾孫二忍舞忍生九子分九
種舞生十七子分十七種羌之盛自此始其後先零枹
罕燒當合居三姐之類皆是子孫至百五十種

西夜

西夜國地生白草國人煎以為藥傳箭簇中之即死漢
書誤云西夜子合國考子合別有王非一國也又有條

外國

支國城在山上周回四十里臨西海海水三面曲環路絕惟西北隅通陸道士出獅子犀牛封牛孔雀大雀犬雀卵如甕

安息

安息國去洛陽二萬五千里中小城數百最為殷盛其東界又有小安息和帝時班超嘗遣甘英使大秦抵條支臨大海欲度而安息西界船人謂英曰海水廣大往來者逢善風三月可得度若風不利有至三歲者入海人必齋三歲糧海中善使人思鄉土生戀慕英聞之止永元十三年王使使獻獅子及條支大鳥

大秦

大秦國地方數千里中有四百餘城王所居城周圍百餘里中有五宮相去各十里其王日遊一宮聽政五日而徧常使一人持囊隨王車有言事者以書投囊中王至宮省理其王無常人必簡立賢者國有災異或風雨不時輒廢而更立廢者不怨其民頗類中國故稱大秦宮室以水精為柱食器亦然上多金銀有夜光璧明月珠駭雞犀珊瑚琥珀琉璃玕朱丹青壁黃金塗火浣

布又有細布或言水羊毳野蠶繭所作也合帶香煎其汁以為蘇合金銀為錢銀錢十當金錢一其王嘗欲通使於漢而安息欲專漢利遮之不得達延熹九年王遣使道日南徼外始一通焉然所貢無甚珍異疑傳者或過云或言其國西有弱水流沙近西王母所居處幾於日所入也從安息繞海北出海西至大秦人庶連屬十餘人齋兵器不得過又言有飛橋數百里可渡語多不經

天竺

天竺國一名身毒在月氏東南數千里有別城數百城置長別國數百國置王然皆以身毒為名十出象犀瑇瑁細布氍毹諸香及石蜜椒薑黑鹽等物明帝嘗夢金人長項有光明以問羣臣羣臣以為佛形長丈六尺而黃金色帝於是遣使問佛法圖其像入中國中國自是稍稍有奉其道者又有粟弋國國多蒲萄水土美故蒲萄酒特有名

匈奴

漢書

五十四

石

單于弟知邪斯王昭君子也昭君字嫱南郡人元帝時以良家子選入掖庭昭君既入宮累歲不得見御積悲怨會呼韓邪單于來朝帝勅以宮女五人賜之昭君請之掖庭令求行臨辭五人陛見昭君豐容靚飾光明漢宮顧影徘徊竦動左右帝大驚意欲留之而重失信遂與何奴生二子及呼韓邪死其前闕氏子嗣位欲妻之昭君上書求歸成帝勅令從胡俗遂復為後單于闕氏

烏桓

烏桓本東胡也漢初冒頓滅其國餘種逃匿保烏桓山因以為號居無常以窮廬為舍門東開向日其人貴少而賤老怒則殺父兄而終不害其母推一人為大人大人有所召呼則刻木為信無文字其嫁娶則先略女通情或半歲或百日然後送牛馬羊畜為聘壻隨妻還家於妻家無尊卑且拜之而不拜其父母為妻家僕役一二年妻家乃厚遣送女其俗妻後母報寡嫂計謀一聽婦人惟戰鬪事乃自決父子男女相對蹲踞以髡頭為輕便女子至嫁乃養髮其土宜稼及東牆東牆似蓬草實如稌子至十月而熟見鳥獸孕乳以別四時人死

則歌舞送墓先肥養一犬以絛繩牽之使護死者神靈歸赤山

鮮卑

鮮卑亦東胡之支也別依鮮卑山遂以為號俗與烏桓同惟婚姻則先髡頭以季春月太會於饒樂水上飲燕畢然後配合土有野馬原羊角端牛又有貂獬鼯子皮毛柔輒天下以為名裘漢初亦為冒頓所破其後種類漸繁遂為中國患桓帝時有檀石槐者其父投鹿侯初從匈奴軍三年其妻在家生子投鹿侯歸怪欲殺之妻言嘗書行雷震仰天視覆入其口因吞之遂免十月而產此子當有奇異侯不聽棄之妻私收養焉名檀石槐年十四五勇而有智所向無前諸部落多畏服之因南掠緣邊北拒下零東卻夫餘西擊烏孫盡據匈奴故地東西萬四千餘里延熹熹平中屢入寇緣邊無不被其毒棍嘗出行見烏集秦水廣數百里水停不流其中有魚不能得之間倭人善網捕即東擊倭徙倭千餘家置秦水上捕魚以給糧食

